

Siex Tin-Hungh Nyei Jauv

Biux Mengh Waac

Naaiv ginc sou se njaaux taux Tin-Hungh nyei jauv caux mbuo baamh mienh nyei jauv yiem haaix daaih, hngangv haaix nor. Nyungc zeiv se hngangv naaiv mingh, mbuo siex Tin-Hungh nyei jauv hngangv haaix nor, baamh mienh se yiem haaix cuotv daaih, hngangv haaix nor, dorngc jauv leih nqoi Tin-Hungh.

Da'yietv Ginc Ging-Sou

Ging-Sou se Tin-Hungh nyei waac, Singx Lingh dorh Tin-Hungh nyei bou mbuo fiev daaih weic njaaux mbuo baamh mienh hngangv haaix nor yiem naaiv lungn ndiev seix zangc. **“Douc-douc Ging-Sou, Tin-Hungh dorh mienh fiev yaac maaih lamh longc weic njaaux mienh, weic gorngv-hemx mienh, weic zorc mienh zoux dorngc nyei dorngc, weic njaaux mienh zoux horpc nyei jauv. Hngangv naaic ziouc bun Tin-Hungh nyei mienh duqv dunh yunh nzoih weic zoux nyungc-nyungc kuv sic.”** (2 *Ti^mo^tai* 3:16-17). Fiev Ging-Sou wuov deix mienh se Tin-Hungh nyei Singx-Lingh dorh ninh mbuo fiev hngangv, ninh mbuo maiv haih ei ganh nyei eix fiev, yaac maiv haih ei ganh nyei eix douc. **“Da'yietv longc jienv jiex oix zuqc bieqc hnyouv, maiv maaih haaix dauh haih longc ganh nyei za'eix porv mengh douc waac mienh douc daaih fiev wuov deix Ging-Sou nyei waac. Weic maaih haaix dauh haih ei ganh nyei eix douc Tin-Hungh nyei waac. Mienh douc Tin-Hungh nyei waac se ei Singx Lingh dorh ninh mbuo gorngv hngangv.”** (2 *Bide* 1:20-21).

1. Ging-Sou se Tin-Hungh nyei waac

Cutv I^yipv 24: 4 “Mose ziouc fiev jienv Ziouv gorngv nyei yietc zungv waac. Da'nyeic ndorm Mose jiez sin daaih nziouv nyei, yiem wuov mbong-juoqv ceix norm ziec-dorngc aengx liepc ziepc nyeic norm la'bieiv-dongc ziux I^saa^laa^en Mienh nyei ziepc nyeic fingx.”

2. Ging-Sou se benx leiz-latc caux leiz bun mbuo Giduc mienh nyei maengc

Nzamc Leiz-Latc 4:1 “**O I^saa^laa^en Mienh aac, ih zanc yie njaaux meih mbuo naaiv deix leiz-latc caux leiz meih mbuo oix zuqc muangx longx yaac ei jienv zoux, weic bun meih mbuo duqv ziangh jienv yaac duqv bieqc mingh yiem Ziouv, meih mbuo nyei ong-taax nyei Tin-Hungh, jiu bun meih mbuo nyei deic-bung.”**

3. Maiv maaih haaix dauh haih tim waac bieqc fai zorqv waac cuotv Ging-Sou duqv

Nzamc Leiz-Latc 4:2 “**Naaiv deix hatc nyei waac maiv dungx tipv bieqc yaac maiv dungx zorqv cuotv yietc deix. Meih mbuo oix zuqc ei jienv yie mbuox meih mbuo naaiv Deix leiz-latc, se Ziouv, meih mbuo nyei Tin-Hungh, nyei leiz-latc.”**

Nzamc Leiz-Latc 12: 32 “Da'faanh yie hatc meih mbuo nyei yietc zungv oix zuqc ei jienv zoux nzengc. Maiv dungx jaa tim yaac maiv dungx jamv cuotv.”

Laauc Yaangh 22:18-19 “Yie, Yo^han, longx-longx nyei kuinx meih mbuo dauh dauh haiz liuz naaiv njunc sou nyei zinh hoz waac nyei mienh. Se gorngv haaix dauh tipv deix waac bieqc naaiv njunc sou, Tin-Hungh oix tipv fiev jienv naaiv njunc sou wuov deix heiv sic bun wuov dauh. Se gorngv haaix dauh zorqv deix naaiv njunc sou zinh hoz nyei waac cuotv, Tin-Hungh oix zorqv cuotv wuov dauh nyei yungz maengc biouv nyei buonc, caux yiem wuov norm Cing-Nzengc Zingh nyei buonc, dongh naaiv njunc sou gorngv mengh nyei buonc.”

4. Oix zuqc hnoi-hnoi doqc weic tengx mbuo hoqc linc taaih Ziouv

Nzamc Leiz-Latc 17:19 “Ceux daaih an ninh wuov bun ninh yietc seix zanc-zanc doqc, hoqc linc taaih Ziouv, ninh nyei Tin-Hungh. Ninh oix zuqc longx-longx nyei gan naaiv deix leiz-latc nyei joux-joux waac caux diuh leiz.”

5. Ging-Sou Tin-Hungh nyei Waac se dunh yunh nyei Leiz-Latc.

Singx Nzung Sou 19:7-10 “Ziouv nyei leiz-latc se dunh yunh nyei; bun mienh nyei hnyouv fingv jiez daaih. Ziouv nyei leiz-nyeic se kaux duqv wuonv nyei, bun maiv maaih conggh mengh nyei mienh maaih conggh mengh. Ziouv hatc nyei waac horpc nyei, bun gan nyei mienh maaih njien-youh. Ziouv nyei lingc cing-nzengc nyei, bun mienh haih bieqc hnyouv. Mienh taaih Ziouv se longx haic, oix zuqc taaih taux maanc gouv maanc doic. Ziouv nyei leiz-latc se zien nyei,

diuh diuh baengh fim nyei. Se gauh jaaix jiex jiem, zungv gauh jaaix jiex zien jiem. Yaac gauh gaam jiex mueiz-dorngh, dongh yiem mueiz-pengx liouc cuotv nyei dorngh.”

6. Tin-Hungh nyei waac haih tengx mbuo simv maiv zoux zuiz nyei jauv

Singx Nzung Sou 119:11 “Yie siou jienv Meih nyei waac yiem yie nyei hnyouv, weic tengx yie maiv zoux zuiz dorngh(doix deckc) Meih.”

7. Ging-Sou Se Singx Lingh Gapv Daaih Nyei Waac

I^saa^yaa 34:16 “Mangc yaac doqc maah! Tin-Hungh nyei waac yiem wuov sou-njunc: Maiv maaih yietc joux naaiv deix waac dingx laaih, mv maaih yietc waec nzangc ndortv yiem ninh nyei doic. Yiem Ninh nyei nzuih cuotv daaih yaac maaih yietv maaih nyeic nyei, ninh nyei Singx Lingh yaac gapv zunv ninh mbuo.”

8. Tin-Hungh nyei Waac yietc liuz yiem

I^saa^yaa 40:8 “Miev nqaai mingh, ninh nyei biangh yaac bioh mi^aqv, mv baac Tin-Hungh nyei waac yietc liuz ziangh jienv nyei.”

9. Tin-Hungh nyei Waac benx mbuo Giduc mienh nyei njien-youh a^hneiv jauv

I^saa^yaa 15:16 “Haaix zanc Meih nyei waac daaih taux, yie ziouc nyanc ninh mbuo; weic zuqc ninh mbuo se bun yie nyei hnyouv maaih njien-youh a^hneiv, bun yie ndaam meih nyei mbuox, Ov nernh nyei Ziouv Tin-Hungh aac.”

10. Tin-Hungh nyei waac maiv haih dingx laaih

Matv^taai 5:18 “Yie gorngv zien mbuox meih mbuo, maaih lungx caux ndau corc yiem jienv nyei ziangh hoc, Leiz-Latc nyei yietc dimv yietc waeqc nzaangc zungv maiv haih ndortv. Zuov taux lungx ndiev jiex liuz, naaiv deix Leiz cingx daaih jiex nzengc.”

11. Douc-douc Ging-Sou Tin-Hungh dorh mienh fiev daaih

2 Ti^mo^tai 3:15-17 “Yiem meih zoux fu^jueiv nyei ziangh hoc meih zungv hiuv duqv Ging-Sou. Ging-Sou haih bun meih maaih cong-mengh hiuv duqv oix zuqc sienx kaux Yesu cingx duqv njoux. Douc-douc Ging-Sou, Tin-Hungh dorh mienh fiev yaac maaih lamh longc weic njaaux mienh, weic gorngv-hemx mienh, weic zorc mienh zoux dornghc nyei dornghx, weic njaaux mienh zoux horpc nyei jauv. Hnangv naaic ziouc bun Tin-Hungh nyei mienh duqv dunh yunh nzoih weic zoux nyungc-nyungc kuv sic.”

12. Tin-Hungh bun ninh nyei waac mbuo yangh Ziouv Yesu daaih

Hipv^lu 1:1-2 “Loz-hnoi Tin-Hungh longc ninh nyei zuangx douc waac mienh yaac longc camv-nyungc za'eix caux mbuo nyei ong-taax mbuo gorngv camv-nzunc. 2 Mv baac yiem naaiv deix setv mueiz nyei hnoi Tin-Hungh longc ninh nyei dorn caux mbuo gorngv. Naaiv dauh dorn Tin-Hungh longc zeix maanc muotc yaac paaiv ninh siouc maanc muotc benx ninh nyei jaa-dingh.”

13. Tin-Hungh nyei waac se maaih lingc haic

Hipv^lu 4:12 “Tin-Hungh nyei waac se nangh nyei, maaih qaqv nyei, gauh laic jiex yietc zungv l maengx laic nyei nzuqc ndaauv. Haih nzopv bieqc taux Hnyouv caux lingh wuonh gapv nyei dornghx, mbungv-fim caux mbungv-daaux gapv nyei dornghx. Zungv haih siemv duqv mienh hnyouv nyunc zoux nyei caux hnyouv hnamv cuotv nyei sic.”

14. Maiv maaih haiv dauh laih guaih longc ganh nyei za'eix haih porv duqv Ging-Sou

2 Bide 1:20-21 “20 Da'yietv longc jienv jiex oix zuqc bieqc hnyouv, maiv maaih haaix dauh haih longc ganh nyei za'eix porv mengh douc waac mienh douc daaih fiev wuov deix Ging-Sou nyei waac. 21 Weic zuqc maiv maaih haaix dauh haih ei ganh nyei eix douc Tin-Hungh nyei waac. Mienh douc Tin-Hungh nyei waac se ei Singx Lingh dorh ninh mbuo gorngv hnangv.”

A. Mienh Sienx Ging-Sou Nyei Jauv Se Hnangv Naaiv

Mbuo sienx Tin-Hungh nyei mienh yiem gitv-gitv lungx ndiev nyei mienh sienx gorngv Ging-Sou se benx Tin-Hungh nyei waac. Mbuo sienx gorngv joux-joux Ging-Sou nyei waac, liemh Loz-Ngaengc Buv caux Siang-Ngaengc Buv se Tin-Hungh dorh mienh fiev daaih, yaac maiv maaih dornghx dornghc. Ging-Sou se Tin-Hungh nyei waac yaac benx mbuo Giduc mienh nyei gorn-ndoqv, fai wuonv dornghx, mbuo nyei sienx fim nyei wuonv zaangx. Mbuo dauh dauh, fai laanh laanh sienx nyei mienh oix zuqc mbuoqc yaac ei jienv zoux. Ging-Sou longc jienv nyei jauv se hnangv naaiv, “*Douc-douc Ging-Sou, Tin-Hungh dorh mienh fiev yaac maaih lamh longc weic njaaux mienh, weic gorngv-hemx mienh, weic zorc mienh zoux dornghc nyei dornghx, weic njaaux mienh zoux horpc nyei jauv. 17 Hnangv naaic ziouc bun Tin-Hungh nyei mienh duqv dunh yunh nzoih weic zoux nyungc-nyungc kuv sic(2 Ti^mo^tai 3:16-17).*” “Weic zuqc maiv maaih haaix dauh haih ei ganh nyei eix douc Tin-Hungh nyei waac. Mienh douc Tin-Hungh nyei waac se ei Singx Lingh dorh ninh mbuo gorngv hnangv(2 Bide 1:21).” “Yie, Yo^han, longx-longx nyei kuinx meih mbuo dauh dauh haiz liuz naaiv

njunc sou nyei zinh hoz waac nyei mienh. Se gorngv haaix dauh tipv deix waac bieqc naaiv njunc sou, Tin-Hungh oix tipv fiev jienv naaiv njunc sou wuov deix heiv sic bun wuov dauh. Se gorngv haaix dauh zorqv deix naaiv njunc sou zinh hoz nyei waac cuotv, Tin-Hungh oix zorqv cuotv wuov dauh nyei yungz maengc biouv nyei buonc, caux yiem wuov norm Cing-Nzengc Zingh nyei buonc, dongh naaiv njunc sou gorngv mengh nyei buonc.(Laauc Yaangh 22:18-19)."

Hnangv naaiv mbuo hiuv duqv sienx Ging-Sou caux muangx Ging-Sou njaaux mbuo nyei jauv se gengh longx jienv haic nyei jauv bun mbuo Giduc mienh fai Tin-Hungh nyei baeqc. Se gorngv haiv dauh nqemh Ging-Sou nyei waac, yaac doix-dekc, maiv oix muangx, maiv oix ei, fai maiv oix mbuoqc Ging-Sou njaaux ninh nyei waac nor wuov dauh ziouc maaih sic aqv. Mv baac se gorngv haiv dauh muangx yaac ei jienv Ging-Sou njaaux nyei waac zoux nor, wuov dauh yaac oix duqv zipv Tin-Hungh nyei fuqv, yaac oix duqv yietc liuz nyei maengc.

B. Loz Hnoi Nyei Mienh Sienx Ging-Sou Nyei Jauv

Loz hnoi mienh sienx Ging-Sou benx Tin-Hungh nyei waac nyei mienh duqv dinv mangc yaac sienx kaux nyei mienh yiem Loz-Ngaengc Waac nyei lungh ndiev jiex daaih duqv 4,000 hnyaangx aqv. Siang-Ngaengc Waac yaac fih hnangv nyei mienh sienx yaac ei jienv zoux jiex daaih duqv 2,000 hnyaangx aqv. Baamh mienh, gitv-gitv lungh ndiev nyei mienh hnamv taux, fai corng h taux Ging-Sou nyei waac benx l domh jauv mienh. Se hnangv naaiv:

Da'yietv (1) jauv benx sienx Tin-Hungh nyei mienh. Naaiv jauv mienh sienx gorngv Ging-Sou se benx Tin-Hungh nyei waac yaac maiv maaih dorngx oix zuqc faix hnyouv taux Ging-Sou nyei waac. Aeqv naaiv jauv mienh yaac fih hnangv nyei bun zoux i guanh se hnangv naaiv:

1. Naaiv jauv mienh porv Ging-Sou nyei jauv ei Ging-Sou nyei joux-joux waac porv, maiv longc benx waac beiv nyei eix-leiz.
2. Naaiv jauv mienh porv Ging-Sou caux longc Ging-Sou nyei jauv se ei jienv Ging-Sou nyei joux-joux waac porv, ninh mbuo sienx gorngv Ging-Sou nyei joux-joux waac maaih eix-leiz, yaac longc jienv haic bun taux mbuo nyei lingh wuonh nyei jauv, Ging-Sou nyei joux-joux waac yaac maaih eix-leiz bun mbuo nyei maengc, hnangv naaiv mbuo maiv haih kungx porv zaqv hnangv, weic zuqc Ging-Sou se benx waac-beiv, waac-meiv nyei jauv. Naaiv jauv mienh sienx gorngv Ging-Sou nyei waac maaih eix-leiz ndo haic bun mbuo hnoi-hnoi nyei maengc.

Da'nyeic (2) jauv se benx maiv sienx Tin-Hungh nyei mienh. Ging-Sou nyei waac maiv maaih haaix nyungc eix-leiz bun ninh mbuo nyei maengc. Naaiv jauv mienh yaac fih hnangv nyei bun daaih benx i guanh mienh:

1. Naaiv jauv mienh maiv sienx Tin-Hungh mv baac laengz nyiemc zipv Ging-Sou benx Tin-Hungh nyei waac nyei, caux ninh mbuo yaac maiv doix-dekc Ging-Sou njaaux nyei jauv.
2. Naaiv jauv mienh maiv daan maiv sienx Ging-Sou benx Tin-Hungh nyei waac hnangv ninh mbuo yaac doix-dekc Ging-Sou. Ninh mbuo zungv lorz jauv mietc Ging-Sou. Yaac doix-dekc dongh sienx nyei wuov deix.

C. Ih Jaax Nyei Mienh Sienx Ging-Sou Nyei Jauv

- A. Maiv sienx nyei mienh – maaih deix zorqv Ging-Sou nyei waac cuotv, maaih deix maiv gunv, maaih deix lorz jauv mietc Ging-Sou nyei waac.
- B. Dongh sienx Tin-Hungh nyei mienh wuov deix – bieqc hnyouv Ging-Sou caux sienx Ging-Sou nyei jauv, bun cuotv zoux buo jauv mienh.

1. Da'yietv Jauv Benx Dongh Sienx Cou Wuov Jauv Mienh (Liberalism)

Naaiv jauv mienh sienx Ging-Sou se ei jienv zeix tin-deic (**science**) caux luh ginv zuonx (history)nyeie jauv porv mengh nyei jauv sienx hnangv, danh fanh haaix nyungc mv haih porv mengh yiem zeix tin-deic caux yiem luh ginv zuonx nyei jauv nor, ninh mbuo maiv sienx, yaac maiv zipv aqv.

2. Da'nyeic Jauv Se Benx Dongh Yiem Mbu'ndongx Wuov Jauv Mienh(Moderate)

Naaiv jauv mienh se benx mbu'ndongx mienh, ninh mbuo sienx gorngv douc-douc Ging-Sou se benx Tin-Hungh nyei waac, mv baac sic se mbuo baamh mienh maiv bieqc hnyouv taux Ging-Sou nyei waac fai bieqc hnyouv dorngc Ging-Sou, yiem loz hnoi jiex gorn daaih taux ih zanc. Ih jaax hnoi mbuo maaih nyei Ging-Sou maiv nzoih yaac maiv zuqc Tin-Hungh nyei waac. Naaiv jauv mienh porv Ging-Sou se ei luh ginv zuonx nyei jauv porv caux zeix-tin-deic nyei

jauv porv. Danh fanh haaix nyungc jauv maiv bieqc hnyouv fai maiv haih porv mengh nor, ninh mbuo gorngv se benx waac-beiv fai nyungc zeiv nyei jauv hngangv.

3. Da'faam Jauv Mienh Se Benx Ei Ging-Sou Nyei Mienh (Conservatism)

Naaiv jauv mienh se ei nzengc yaac gan nzengc Ging-Sou njaaux nyei jauv, ninh mbuo sienx gorngv joux-joux Ging-Sou nyei waac maiv maaih dorngx dorngc. Yiem gorn daaih taux ih zanc, aengx taux nqa'haav hingv se fih hngangv nyei.

Mbuo Giduc mienh sienx gorngv joux-joux Ging-Sou nyei waac, lienh Loz-Ngaengc buv caux Siang-Ngaengc buv se Tin-Hungh dorh mienh fiev daaih, yaac maiv maaih dorngx dorngc. Ging-Sou se Tin-Hungh nyei waac, yaac benx mbuo nyei sienx fim nyei wuonv zaangx, **mbuo dauh dauh sienx nyei mienh oix zuqc mbuoqc yaac ei jienv** zoux (2 Ti^mo^tai 3:16-17; 2 Bide 1:20-21). Ging-Sou se beiv hngangv dang nor ziux mbuo nyei jauv (Singx Nzung 119:105), yaac beiv hngangv gingx nor aengv mbuo zoux nyei sic(Yaagorpc 1:22-25). Weic naaiv haaix zanc doqc Ging-Sou nyei ziangh hoc, mbuo buatac Ging-Sou gorngv taux mbuo zoux dorngc nyei dorngx , mbuo haiz Ging-Sou hemx mbuo, maaih deix ziangh hoc yoc haiz Ging-Sou nyei waac orn hnyouv, maaih deix yoc haiz njaaux, maaih deix yoc haiz kuinx, maaih deix yoc haiz baav mbuo, yietc zungv se weic njaaux tengx mbuo duqv longx, nyungc zeiv se hngangv yiem (2 Ti^mo^tai 3:16-17).

Joux-joux Ging-Sou nyei waac, liemh Loz-Ngaengc Buv caux Siang-Ngaengz Buv se Tin-Hungh dorh mienh fiev daaih. *"Tin-Hungh dorh mienh fiev"* naaiv joux waac nyei eix-leiz se yiem Gitc waac daaih, eix-leiz gorngv *"Tin-Hungh tauv daaih nyei qiex,"* hngangv naaic Ging-Sou se benx Tin-Hungh nyei waac Singx Lingh dorh mbuo baamh mienh dongh tengx Tin-Hungh douc waac wuov deix mienh fiev daaih. Tin-Hungh dorh mbuo baamh mienh fiev Ninh nyei waac se nyungc zeiv hngangv naaiv:

1. Laauc Yaangh 1:9-19

9 Yie, Yo^han, zoux meih mbuo nyei gorx-youz. Mbuo caux Giduc juangc maengc ziangh yie ziouc caux meih mbuo lomh nzoih siouc kouv, longc noic diev, yaac juangc zoux Tin-Hungh nyei guoqv nyei baeqc fingx. Weic yie zunh Tin-Hungh nyei doz yaac tengx Yesu zoux zong-zengx, yie zuqc yiem Batc^mortv Koiv-Nzou. 10 Maaih norm Ziouv nyei Hnoi, singx lingh gunv jienv yie, yie ziouc haiz yiem yie nqa'haav maengx maaih qiex gorngv waac hngangv nzatc nor mbui. 11 Haiz gorngv, "Meih buatac nyei sic oix zuqc fiev jienv sou-njunc, juix mingh bun naaiv deix siec norm zingh nyei jiu-baang, se yiem E^fe^so, Saa^me^naa, Be^gaa^mam, Ti^yaa^ti^laa, Saa^nditc, Fi^laa^nden^fie caux Lau^ndi^sie Zingh nyei jiu-baang." 12 Yie hui nzuonx mangc gaax haaix dauh caux yie gorngv waac ziouc buatac siec norm don dang nyei jiem-jaax. 13 Yiem wuov deix jaax mbu^ndongx maaih dauh hngangv baamh mienh nor, zuqv jienv lui-ndaav suoh taux zaux mingh, yaac maaih jiem-kou kou jienv la^kuotv. 14 M^ngorngv caux mba^biei mbopv baeqc nyei, hngangv ba^gi yungh baeqc nyei bieie caux sorng baeqc nor. M^zing yaac hngangv douz-mbietc nor. 15 Ninh nyei zaux youc! youc wuov hngangv longc louh douz sinx daaih zien haic nyei dongh siqv nor. Qiex yaac hngangv wuom buangv mouh cuotv wuov nor mbui. 16 Ninh nyei mbiaauc jieqv buoz nanv jienv siec norm hleix. Yiem nzuih baengx cuotv zung i maengx laic nyei nzuqc ndaav. Ninh nyei hmien njang haic, hngangv lung h aax zanc nyei mba^hnoi wuov nor njang.

17 Yie yietv buatac ninh, yie ziouc king njiec ninh nyei zaux-hlen hngangv daic mi^aqv nor. Ninh ziouc longc ninh nyei mbiaauc jieqv buoz maan jienv yie yaac gorngv, "Maiv dungx gamh nziex. Yie zoux Gorn yaac zoux Setv Mueiz, 18 yaac zoux Ziangh Jienv Wuov Dauh. Yie daic mingh mv baac mangc gaax, ih zanc yie yietc liuz ziangh jienv taux maanc gouv maanc doic. Yie yaac maaih lingc gunv daic nyei jauv yaac gunv yiemh gen. 19 "Meih oix zuqc fiev jienv meih buatac jhex nyei, caux ih zanc buatac nyei, caux nqa'haav hingv oix cuotv daaih nyei sic.

2. Cuotv I^yipv 24:1-4

1 Ziouv gorngv mbuox Mose, "Meih caux Aalon, Naa^ndapc, Aa^mbi^hu, aengx caux cietv ziepc dauh I^saa^laa^en Mienh nyei mienh gox oix zuqc faaux yie naaiv daaih mv baac yiem go nyei baaix yie. 2 Kungx Mose ganh nduqc dauh haih daaih nitv fatv yie, Ziouv, hngangv. Wuov deix maiv dungx daaih fatv. Yaac maiv dungx bun baeqc fingx caux jienv faaux naaiv." 3 Mose dorh Ziouv nyei waac caux yietc zungv leiz mingh mbuox zuangx baeqc fingx. Zuangx mienh dongh joux waac dau, "Ziouv gorngv nyei yietc zungv waac yie mbuo oix ei jienv zoux." 4 Mose ziouc fiev jienv Ziouv gorngv nyei yietc zungv waac. Da^nyeic ndorm Mose jie z sin daaih nziouv nyei, yiem wuov mbong-juoqv ceix norm ziec-dorng h aengx liepc ziepc nyeic norm la^bieiv-dongc ziux I^saa^laa^en Mienh nyei ziepc nyeic fingx.

Da^nyeic Ginc Tin-Hungh

Mbuo Giduc mienh sienx kaux yietc dauh zien Tin-Hungh hngangv, Ninh se yietc liuz ziangh jienv nyei Ziouv, yaac dongh zeix yietc zungv maanc muotc wuov dauh, maaih yietc dauh Tin-Hungh hngangv, mv baac ziangh daaih benx buo dauh, se dongh Singx Diex, Singx Dorn, caux Singx Lingh. Buo dauh zungv mv daaih dongh wuov nduqc dauh Ziouv hngangv, mv baac Ninh zoux nyei gong se maiv fih hngangv, yaac maaih mbuox maiv fih hngangv, mbuo baamh mienh heuc Ninh zoux Tin-Hungh, weic zuqc Ninh zoux zeix maanc muotc nyei Ziouv. Mbuo heuc Ninh zoux Yesu fai Njoux Ziouv, weic zuqc Ninh cuotv seix daaih benx mbuo baamh mienh, yaac daic weic mbuo nyei zuiz, yaac maaih mbuox hngangv mbuo nor. Mbuo heuc Ninh zoux Singx Lingh, weic zuqc mbuo mangc maiv buatac Ninh, mv baac Ninh se ziangh jienv nyei,

yaac dau mbuo nyei daux gaux waac, dongh mbuo qiemx zuqc nyei ziangh hoc, mbuo tov Ninh, Ninh ziouc tengx mbuo. Singx Lingh eix-leiz se mangc maiv buac mv baac zien maaih nyei, caux mbuo yaac bangc duqv zuqc nyei, Yesu ganh gorngv Tin-Hungh se Lingh Wuonh (Yo^han 4:24), Tin-Hungh cuotv seix daaih benx buo baamh mienh caux mbuo yiem, yaac yiem mbuo mbu^ndongx (Yo^han 1:14; Matv^taai 1:23). Yesu ganh mengh-mengh nyei gorngv mbuox Ninh nyei sai-gorx mbuo, Ninh caux Tin-Hungh mv daaih dongh wuov dauh (Yo^han 14:8-11; Yo^han 10:30), Tin-Hungh se nduqc dauh hhangv, mv baac maaih buo norm mbuox, Ging-Sou gorngv mbuo nyei Ziouv Tin-Hungh se nduqc dauh Ziouv hhangv (Nzamc Leiz-Latc 6:4).

Mbuo Giduc mienh sienx gorngv, yiem lungh ndiev kungx maaih nduqc dauh Tin-Hungh hhangv, Ninh se dongh zeix maanc muotc wuov dauh Ziouv, Ninh yaac yietc liuz ziangh jienv nyei, maiv gunv mbuo nyei m'zing fai (mueic zing) mangc mv buac mv baac Tin-Hungh m'daaih maaih nyei. Ging-Sou gorngv, maiv gunv mbuo mangc maiv buac Tin-Hungh, mv baac mbuo buac Tin-Hungh zeix daaih nyei ga'naaiv, mbuo ziouc hiuv duqv maaih Tin-Hungh aqv, mv baac mbuo baamh mienh maiv oix taaih Ninh zoux Tin-Hungh (Lomaa 1:18-32).

A. TIN-HUNGH NYEI MBUOX

Tin-Hungh nyei mbuox se longc jienv haic, mbuo Giduc mienh qiemx zuqc hiuv nyei jauv, Tin-Hungh nyei mbuox se mbuo baamh mienh tengx cuotv daaih fai heuc daaih nyei mbuox. Loz-hnoi l^saa^laa^en mienh, Tin-Hungh nyei baeqc fingx, dongh ninh mbuo buangh zuqc sic fai kouv naanh nyei jauv, maiv lamh kaux dorngx nyei ziangh hoc, ninh mbuo tov Tin-Hungh tengx ninh mbuo, Tin-Hungh tengx liuz ninh mbuo nyei ziangh hoc, ninh mbuo cuotv norm mbuox bun Tin-Hungh, nyungc zeiv se hhangv naaiv nor mingh:

1. **YAV^ WEIH (YAHWEH)** naaiv joux waac se **Hipv^lu Mienh** nyei waac, eix-leiz se gorngv Tin-Hungh yietc liuz ziangh jienv nyei Ziouv (Cuotv l^yipv 6:2-3).
2. **EUL (EL)** naaiv joux waac se **Sem^maetv^tite (Semetic)** mienh nyei waac, eix-leiz se gorngv Tin-Hungh zoux baamh mienh nyei die, yaac zoux maanc ziouv nyei Die, Ninh yaac zoux maanc hungh nyei Hungh, maanc ziouv nyei Ziouv, yaac **maaih eix-leiz gorngv Tin-Hungh se Nernh jiex nyei Ziouv** (Singx Nzung 80:7; Tin-Dei Douh 31:29; Nzamc Leiz-Latc 28:15-17).

Tin-Hungh Nyei Mbuox Yiem Hipv^Lu Mienh Nyei Waac

1. **ELOHIM:** Eix-leiz se gorngv Tin-Hungh yietc liuz ziangh jienv nyei Ziouv (Cuotv l^yipv 3:14).
2. **EL ELIJON:** Eix-leiz se gorngv Tin-Hungh se hlaang jiex nyei Ziouv (Tin-Deic Douh 14:18-20; Nzamc Leiz-Latc 32:8).
3. **ELHAI:** Eix-leiz se gorngv ziangh jienv nyei Tin-Hungh.
4. **ELALAH:** Eix-leiz se gorngv ziepc zuoqv nyei Tin-Hungh.
5. **ELSHADDAL:** Eix-leiz se gorngv nernh jiex nyei Tin-Hungh (Tin-Deic Douh 17:1; Tin-Deic Douh 28:3; Hipv^lu 12:10).
6. **ELOLAM:** Eix-leiz se gorngv yietc liuz yiem nyei Tin-Hungh (Tin-Deic Douh 21:33; Singx Nzung Sou 90:2).
7. **JEHOVAH-ELOHIM:** Eix-leiz se gorngv Ziouv Tin-Hungh (Tin-Deic Douh 2:4; Tin-Deic Douh 3:8-19).
8. **JEHOVAH-JIREH:** Eix-leiz se gorngv Ziouv ganh liuc leiz ziangx bun (Tin-Deic Douh 22:14).
9. **JEHOVAH-RAPHA:** Eix-leiz se gorngv Ziouv dongh zorc baengc wuov dauh (Cuotv l^yipv 15:26).
10. **JEHOVAH-NISSI:** Eix-leiz se gorngv kaux duqv zuqc nyei Ziouv (Cuotv l^yipv 17:15).
11. **JEHOVAH-SHALOM:** Eix-leiz se gorngv Ziouv se mbuo nyei baengh orn (Domh Jien Sou 6:24).
12. **JEHOVAH-RAAH:** Eix-leiz se gorngv Ziouv dongh goux mbuo wuov dauh (Singx Nzung 23:1).

13. **JEHOVAH –TSIDKENU:** Eix-leiz se gorngv Ziouv se dongh mbuo nyei horpc fim nyei gorn (Ye^li^mie 23:6 = Jeremiah).
14. **JEHOVAH-SHAMMAH:** Eix-leiz se gorngv Ziouv se dongh caux mbuo yiem wuov dauh (E^saa^ken 48:35; Matv^taai 1:23).
15. **JEHOVAH-SABOATH:** Eix-leiz se gorngv Ziouv se mbuo nyei zuangx Hungx (1 Saa^Mu^en 1:3 = 1 Samuel).
16. **JEHOVAH-MIMMANUEL:** Eix-leiz se gorngv Ziouv caux mbuo yiem
17. **JEHOVAH-ADONAI:** Eix-leiz se gorngv Ziouv mbuo nyei Tin-Hungx (Tin Deic Douh 13:1-17).

B. TIN-HUNGX NYEI EIX-LEIZ

Ging-Sou Njaaux Taux Tin-Hungx Nyei Jauv (Singx Nzung 14:1; Matv^taai 28:19; 2 Ko^lin^to 13:14).

Mbuo Giduc mienh sienx kungx maaih nduqc dauh zien Tin-Hungx hnavg, Ninh se dongh zeix maanc muotc nyei Ziouv, Tin-Hungx se yietc dauh hnavg, mv baac Ninh ziangx daaih benx buo dauh, se dongh Singx Diex, Singx Dorn, caux Singx Lingx, Tin-Hungx se dongh zeix maanc muotc wuov dauh Ziouv. Tin-Hungx se hnavg haic mbuo baamh mienh, Ninh zeix mbuo baamh mienh daaih, mv baac Saa^daan dongh Tin-Hungx nyei win-wangv wuov dauh daaih nduov mbuo nyei ong-taax-ngaeqv Aa^ndam mbuo baamh zuiz, yaac ziqc zuiz Tin-Hungx, liuz mbuo yietc liuz oix zuqc siouc zuiz, yaac zuqc daic nyei qaqv gunv jienv mbuo lungx ndiev nyei maanc mienh, maiv gunv mbuo maiv baamh zuiz hnavg Aa^ndam baamh nor, mv baac zuqc daic nyei qaqv linh jienv mbuo maanc mienh (Lomaa 5:12 -20), weic zuqc Tin-Hungx hnavg haic mbuo baamh mienh, Ziouv Yesu cingx daaih oix zuqc njiec baamh gen daaih njoux mbuo, Ziouv Yesu zuqc daic yiem ziepc nzangc jaax tengx mbuo teix zuiz teix nipc, siouc kouv diqv mbuo.

C. ZIOUV YESU GIDUC NYEI EIX-LEIZ

Ging-Sou Njaaux Taux Ziouv Yesu Nyei Jauv (**Lugaa 1:26-38; Fi^lipv^poi 2:5-11; Hipv^lu 1:3-4**).

Mbuo Giduc mienh sienx kaux Ziouv Yesu Giduc, se Tin-Hungx nyei ndoqc Dorn, Tin-Hungx paaiv Ninh njiec baamh gen daaih cuotv seix benx mbuo baamh mienh daaih weic njoux mbuo leih ndutv zuiz caux daic nyei jauv. Yesu Giduc cuotv seix nyei jauv se cing-nzengc nyei Singx Lingx nyei qaqv njiec daaih nzie jienv fai gunv jienx Maa^li^yaa nyei sin, yaac bun Maa^li^yaa dongh maiv gaengx caux m^juangc dorn bueix jiex wuov dauh, yungz Yesu daaih zoux maanc mienh nyei Njoux Ziouv. Dongh Yesu yiem baamh gen nyei ziangx hoc, Ninh gengx dongh zanc benx dunh yunh nyei Tin-Hungx, yaac benx dunh yunh nyei baamh mienh. Yesu Giduc maiv maaih zuiz mv baac Ninh zuqc ding daic yiem ziepc nzangc jaax, weic njoux mbuo baamh mienh leih ndutv zuiz-nipc. Da^faam hnoi Ninh aengx panh nangx daaih, Yesu panh nangx daaih caux sai^gorx mbuo yiem naaiv baamh gen feix ziepc hnoi, yaac njaaux nyungc-nyungc jauv bun sai-gorx, bun ninh mbuo hiuv dingc Ninh corc yietc liuz ziangx jienv nyei maiv daic, Yesu yaac paaiv waac bun sai-gorx mbuo oix zuqc mingx njaaux maanc fingx mienh zoux ninh nyei sai-gorx., Yesu paaiv ziangx waac bun jienv sai-gorx mbuo liuz, nqa^haav Ninh ziouc dornng jienv Ninh nyei sai-gorx mbuo ziouc ziangx dauh nyei leih nqoi ninh mbuo nzuonx Tin-Dorngh mi^aqv. Ih zangc Ziouv Yesu se yiem Tin-Dorngh, zuov baamh gen nyei nyutv zeiv jiex nyei ziangx hoc, Yesu aengx daaih zipv mbuo sienx kaux Ninh nyei mienh.

D. SINGX LINGX NYEI EIX-LEIZ

Ging-Sou Njaaux Taux Singx Lingx Nyei Jauv(Lugaa 24:49; Yo^han 15:26; Lomaa 12; Gong-Zoh 2:4).

Mbuo Giduc mienh sienx kaux Singx Lingx, se dongh zoux gong dorh baamh mienh goiv hnyouv guangc zuiz, yaac tengx baamh mienh zoih yungz jiex, Ninh yiem sienx Yesu mienh nyei hnyouv gu^nyuoz, tengx mbuo maaih qaqv haih zoux cing-nzengc nyei mienh, yaac tengx mbuo haih mbuoqc Tin-Hungx cing-nzengc nyei za^eix. Yaac ceix en bun mbuo duqv Singx Lingx nyei qaqv caux zingx nyeic, bun mbuo longc weic fuh sux Giduc nyei Sin se dongh jiu bang. Dauh dauh Giduc mienh oix zuqc bun Singx Lingx dorh mbuo yaac oix zuqc ei Singx Lingx dorh mbuo muangx yaac taaih Giduc Yesu, Giduc mienh zanc-zanc yaac oix zuqc bun Singx Lingx buangv nzengc hnyouv.

Da^faam Ginc Baamh Mienh Nyei Jauv-Louc

A. Tin-Hungx ZIUX NINH GANH NYEI FANGX zeix mienh daaih

1. Tin-Hungh maiv maaih orv sin hngangv baamh mienh
2. Mbuo nyei lingh wuonh se hngangv Tin-Hungh nyei lingh wuonh
3. Aa^ndam, da'yietv dauh mienh, haih gorngv waac yaac haih daav za'eix
4. Mienh haih zoux dorngc yaac haih zoux horpc Mienh zoux dorngc haih hiuv nyaiv, hnyouv yaac haih guaix ganh.
5. Tin-Hungh oix yie mbuo benx zuangv Ninh
6. Tin-Hungh bun baamh mienh gunv nyungc-nyungc ga'naaiv
- 7 .BAAMH MIENH MAAIH ORV SIN yaac MAAIH LINGH WUONH
B. Baamh Mienh Zoux Zuiz Nyei Jauv

1. Baamh mienh JIEX GORN ZOUX LONGX
2. Baamh mienh HAIH GINV LONGX FAI WAIC
3. SAADAAN NDUOV da'yietv doic mienh ginv zoux dorngc
 - a. Naang nduov Aa^ndam caux Haawaa mbungh mbienv. hlungh hluotv
 - b. Naang nduov ninh mbuo maiv sienx Tin-Hungh nyei waac.
 - c. Naang nduov ninh mbuo sienx ninh nyei waac.
 - e. Ninh mbuo cingx daaih maiv ei Tin-Hungh nyei leiz latc.
 - f. Ninh mbuo nyanc wuov nyungc biouv.
 - g. Naaiv se dorngc Tin-Hungh (ndiqv zuqc ndorpc)
4. Aa^ndam caux Haawaa dorngc liuz aqc ninh mbuo cingx HNANGV HAAIX NOR GOIV BENX GANH NYUNGC?
5. **BAAMH MIENH yietc zungv cingx BUANGH HAAIX NYUNGC KOUV ?**
 - a. Ninh mbuo maaih jienv Tin-Hungh nyei fangx zeiv mv baac MAIV HNANGV ZINH NDAANGC.
 - b. Ih zanc MAAIH GANH NYUNGC FIEM-FINGX.
 - c. HNYOUV LAIH HLOPV.
 - d. LEIH GO TIN-HUNGH.
 - e. OIX ZOUX ZUIZ.
 - f. Aa^ndam nyei zeiv fun YIETC LIUZ yaac MAAIH HNYOUV ZOUX DORNGC SIC
 - g. DAUH DAUH ZOUX ZUIZ.
 - h. TIN-HUNGH NOUZ HAIC ZUIZ.
 - i. Tin-Hungh OIX ZUQC DINGC ZUIZ.

- j. MOUZ DAUH mienh OIX ZUQC DAIC
- k. Maaiah jienv zuiz OIX ZUQC FUNX BENX SAADAAN NYEI FU'JUEIV
- l. YESU ZUQC SEIX hngangv Aa^ndam caux Haawaa MV BAAC YESU MAIV ZOUX ZUIZ
- m. Baamh mienh YIETC ZUNGV ZUQC SEIX FIH HNANGV NYEI

6. Maiv maaiah zuiz -dorn NYUNGC-NYUNGC ZUIZ SE HLO HAIC

- a. Zoux WAAIC SIC YIETC ZUNGV SE ZUIZ
- b. Yiem hnyouv HNAMV DORNGC YAAC BENX ZUIZ
- c. MAIV ZOUX mbuo horpc zuqc zoux nyei YAAC BENX ZUIZ
- d. YIETC ZUNGV ZUIZ se DORNGC TIN-HUNGH

C. Baamh Mienh Duqv NJoux Nyei Jauv

1. MBUO GANH QIEMX ZUQC ZOUX NYEI BUONC

- 1. Oix zuqc SIENX KAUX TIN-HUNGH
- 2. Se gorngv mbuo sienx duqv horpc MBUO OIX MUANGX TIN-HUNGH NYEI WAAC.
- 3. Tin-Hungh heuc mbuo ZOUX NAAIV BUO NYUNGC BUN CING MBUO ZA'GENGH SIENX:
 - a. GOIV HNYOUV
 - b. NYIEMC YESU ZOUX ZIOUV
 - c. JIEX WUOM NYEI LEIZ

D. TIN-HUNGH ZOUX NYEI BUONC:

- 1. TIN-HUNGH NYEI GUANGC mbuo nyei ZUIZ bun mbuo.
- 2. Tin-Hungh bun mbuo ganh SIANG-YUNGZ JIEX
- 3. Tin-Hungh bun mbuo CAUX NINH HORPC HNYOUV DAAIH
- 4. Tin-Hungh hlorpc mbuo daaih BENX NINH NYEI NAAMH NYOUZ
- 5. Tin-Hungh tengx mbuo BENX CING-NZENGC NYEI MIENH
- 6. Tin-Hungh bun mbuo yietc liuz yiem tin-dornh YIEM NINH NYEI NJANG-LAANGC

E. BUO DUQV NJOUX LIUZ AQV OIX ZUQC HNANGV HAAIX NOR ZOUX?

- 1. Mbuo oix zuqc BAAIX, CENG, BUOQC ZANGC TIN-HUNGH
- 2. Oix zuqc HOQC HIUV GING-SOU
- 3. Oix zuqc CAUX JIU-BAANG DOIC JIU-TONG
- 4. Oix zuqc NYANC SINGX HNAANGX
- 5. Oix zuqc DAUX-GAUX

6. Oix zuqc ZORQV GANH FUNGX BUN TIN-HUNGH hngangv ziec nyei ga'naiv nor

7. Oix zuqc BUN TIN-HUNGH GOIV NZENG

8. Oix zuqc BUN SINGX LINGH DORH JAUV

9. Oix zuqc HLO DAAIH YIEM YESU

10. Oix zuqc MAAIH HNYOUV HNAMV MIENH

11. Oix zuqc KORH LIENH YAAC TENGX MIENH

12. Oix zuqc FONGC HORC

13. Oix zuqc ZOUX ZINGH GINX tengx maanc mienh hiuv
Da'feix Ginc Baamh Mienh Jiex Gorn Nyei Jauv

A. BAAMH MIENH JIEX GORN HNANGV HAAIX NOR:

1. Tin-Hungh ZIUX NINH GANH NYEI FANGX ZEIV zeix mienh daaih

Tin Deic Douh 1:26,27,31 Tin-Hungh aengx gorngv, "**Mbuo oix zuqc ziux mbuo nyei fangx zeiv zeix mienh daaih zuangv mbuo yaac hngangv mbuo nor**, bun ninh mbuo gunv koiv gu'nyuoz nyei mbiauz, yiem ndaamh lungn nyei norqc, nyungc-nyungc saeng-kuv, yaac gunv nyungc-nyungc nyorng ndau-beih nyei ga'naaiv." 27 **Tin-Hungh ziouc ziux ninh ganh nyei fangx zeiv zeix baamh mienh, se ziux Tin-Hungh ganh nyei fangx zeix mienh daaih**, ninh zeix cuotv benx m'jangc m'sieqv. ... 31 Tin-Hungh mangc ninh zeix daaih nyei nyungc-nyungc ga'naaiv, **buatc za'gengh longx haic**. Maaih lungn hmuangx yaac maaih lungn ndorm. Naaiv se da'luoqc hnoi.

Tin Deic Douh 9:6 Tin-Hungh caux Noyaa liepc jiez ngaengc waac gorngv: "Haaix dauh daix mienh, bun nziaamv liouc cuotv, wuov dauh zungv zuqc mienh daix, bun nziaamv liouc cuotv, **weic zuqc Tin-Hungh zeix mienh, se zeix daaih zuangv ninh ganh.**"

Yaagorpc 3:9-10 Mbuo longc mbietc ceng Ziouv Zangc Diex, yaac longc **zioux mienh, dongh Zangc Diex zeix cuotv daaih zuangv ninh ganh yaac hngangv ninh ganh nor**. 10 Ceng nyei waac caux zioux nyei waac juangc sung nzuih cuotv. Yie nyei gorx-youz aah! Hngangv naaic za'gengh maiv horpc yietc deix.

A. Tin-Hungh maiv maaih orv sin hngangv baamh mienh

Nzanc Leiz-Latc 4:15-17 Yiem Holepv Mbong, Ziouv yiem douz caux meih mbuo gorngv waac wuov zanc **meih mbuo maiv duqv buatc haaix nyungc njoiz**. Weic naaiv oix zuqc faix fim, mbungh longx ganh. 16 Nziex meih mbuo haih zoux waaic sic ziouc weic meih mbuo ganh zoux haaix nyungc nyei miuc-fangx, maiv gunv m'jangc fai m'sieqv nyei fangx, 17 fai yiem ndau-beih nyei saeng-kuv, fai yiem ndaamh lungn nyei norqc,...

Yo^han 4:24 Tin-Hungh **se lingh wuonh**. Zangc Tin-Hungh nyei mienh oix zuqc longc Singx Lingh yaac longc zien leiz zangc."

B. Mbuo nyei lingh wuonh se hngangv Tin-Hungh nyei lingh wuonh

E^fe^so 4:23-24 Oix zuqc bun Tin-Hungh goiv meih mbuo nyei hnyouv, yienc meih mbuo nyei eix, benx siang nyei daaih. 24 Yaac oix zuqc duqv siang-maengc. **Naaiv nyungc maengc Tin-Hungh zeix daaih zuangv ninh ganh**, meih mbuo ziouc zien-zien nyei zoux duqv horpc yaac cing-nzengc nyei.

Ko^lo^si 3:9-10 Laanh maiv dungx gorngv-baeqc nduov laanh, weic zuqc meih mbuo guangc meih mbuo nyei loz-maengc caux loz-maengc zoux nyei sic, 10 aengx duqv* siang-maengc. **Naaiv nyungc siang-maengc**, zeix maanc muotc nyei **Tin-Hungh zanc-zanc zeix daaih siang nyei, gunv zoux gunv zuangv ninh nyei fangx zeiv** weic bun meih mbuo haih hiuv nzengc ninh ganh.

C. Aa^ndam, da'yietv dauh mienh, haih gorngv waac yaac haih daav za'eix

Tin Deic Douh 2:19-20 Ninh ziouc zorqv deix nie daaih nanv nyungc-nyungc yiem ndau nyei hieh zoih saeng-kuv caux nyungc-nyungc yiem ndaamh lungv nyei norqc, ziouc dorh daaih bun wuov laanh mienh mangc gaax, haaix nyungc horpc zuqc cuotv haaix nyungc mbuox. **Wuov dauh mienh tengx naaiv deix maaiah maengc nyei ga'naaiv cuotv mbuox heuc haaix nyungc**, wuov nyungc ga'naaiv ziouc duqv mbuox heuc wuov nyungc aqv. 20 Naaiv dauh mienh tengx cuotv nzoih nyungc-nyungc saeng-kuv nyei mbuox caux yiem ndaamh lungv nyei norqc caux yietc zungv yiem lomc nyei hieh zoih nyei mbuox, corc buatc maiv maaiah yietc dauh puix ninh, caux ninh zoux doic, tengx ninh.

D. Mienh haih zoux dorngc yaac haih zoux horpc.

Tin Deic Douh 3:1-3 Ziouv Tin-Hungh zeix daaih nyei yietc zungv dongh naang gauh guaix jiex. Naang naaic gaax wuov dauh m'sieqv dorn, "Tin-Hungh za'gengh gorngv maiv bun meih mbuo nyanc yiem naaiv huingx gu'nyuoz nyei haaix nyungc biouv fai?" 2 Wuov dauh m'sieqv dorn dau, "Yiem huingx gu'nyuoz nyei nyungc-nyungc biouv yie mbuo nyanc duqv nyei. 3 Mv baac Tin-Hungh gorngv, ' Yiem huingx mbu'ndongx **wuov zungv ndiangx nyei biouv cin-maanc maiv dungx nyanc, liemh maiv dungx muoqv. Maiv ze' aeqv, meih mbuo zungv zuqc daic aqv.** ' "

E. Mienh zoux dorngc haih hiuv nyaiv, hnyouv yaac haih quaix ganv

Tin Deic Douh 3:7-9 Nyanc liuz, ninh mbuo l dauh haih hnamv duqv tong, hiuv duqv nyungc-nyungc yaac hiuv duqv ninh mbuo laengh gaengv nyei yiem. Ninh mbuo ziouc zorqv ngongh nyorx ndiangx-normh lunh daaih pongx jienv aqv. 8 Wuov hnoi, lungv maanz-hmuangx nyei ziangh hoc, ninh mbuo haiz Ziouv Tin-Hungh yiem huingx gu'nyuoz yangh jauv. Wuov dauh m'jangc dorn caux ninh nyei auv ziouc bieqc huingx nyei ndiangx-lomc mingh bingx jienv Ziouv. 9 Mv baac Ziouv Tin-Hungh heuc wuov dauh m'jangc dorn, "Meih yiem haaix laeh?"

1 Ti^mo^tai 1:5 Yie hngangv naaiv nor hatc se weic bun meih mbuo laanh hnamv laanh. Laanh hngangv naaiv hnamv laanh oix zuqc longc cing-nzengc nyei hnyouv, hnyouv maiv lamh guaix ganv, yaac zien-zien nyei sienx.

F. Tin-Hungh oix yie mbuo benx zuangv Ninh

Lomaa 8:29 Weic zuqc Tin-Hungh jaa-ndaangc ginv wuov deix, ninh yaac dingc bun ninh mbuo hngangv ninh nyei Dorn nor. Ninh nyei Dorn ziouc duqv zoux zuangv muoz-doic nyei Domh Gorx.

1 Yo^han 3:2 Hnamv haic nyei gorx-youz aac, ih zanc mbuo benx Tin-Hungh nyei naamh nyouz. Nqa'haav hingv mbuo oix hngangv haaix nor maiv gaengh hiuv. Mv baac mbuo hiuv duqv **Yesu Giduc hinc cuotv wuov zanc mbuo oix hngangv ninh nor**, weic zuqc Yesu za'gengh hngangv haaix nor, mbuo yaac duqv buatc ninh hngangv wuov nor.

G. Tin-Hungh bun baamh mienh gunv nyungc-nyungc ga'naaiv

Tin Deic Douh 1:26 Tin-Hungh aengx gorngv, "Mbuo oix zuqc ziux mbuo nyei fangx zeiv zeix mienh daaih zuangv mbuo yaac hngangv mbuo nor, **bun ninh mbuo gunv koiv gu'nyuoz nyei mbiauz, yiem ndaamh lungv nyei norqc, nyungc-nyungc saeng-kuv, yaac gunv nyungc-nyungc nyorng ndau-beih nyei ga'naaiv.**"

Aa^ndam wuov norm mbuox nyei eix leiz se "baamh mienh" **Saeng-kuv maiv zoux leiz baaix dorngv yaac maiv zoux fanh taapv yaac maiv zoux miuc-mienv fangx. Kungx baamh mienh hngangv zoux weic zuqc mienh maaiah lingh wuonh.** Baamh mienh haih maaiah hnyouv **hnamv** caux **korh lienh** caux **njen-youh** yaac haih **nzorng mienh**, haih **nzauh**. Ninh mbuo haih zangc Tin-Hungh yaac haih duqv caux Tin-Hungh jiu tong. Saeng-kuv maiv haih hngangv naaiv zoux.

2. BAAMH MIENH MAAIH ORV SIN yaac MAAIH LINGH WUONH

Tin Deic Douh 2:7 Zoux gau, Ziouv Tin-Hungh aengx zorqv deix nie nanv cuotv dauh mienh daaih yaac biomv maaiah maengc nyei qieqc bieqc wuov dauh mienh nyei mba'zorng. Wuov dauh mienh ziouc nangh daaih aqv.

Singx Nzung 84:2 Yie nyei hnyouv ndongc haaix oix yiem Ziouv nyei biauv laate gu'nyuoz, zungv haiz ngorc jienv yiem. **Yie nyei sin caux hnyouv** njen-youh nyei baux nzung ceng ziangh jienv nyei Tin-Hungh

Matv^taai 10:28 Maiv dungx gamh nziex mienh. Ninh mbuo haih daix sin mv baac maiv haih daix lings wuonh. Daaux nzuonx oix zuqc gamh nziex Tin-Hungh. **Tin-Hungh haih bun liemh sin liemh lings wuonh ndortv Deic nyuoqc zuqc mietc.**

Matv^taai 16:26 Haaix dauh **duqv nzengc lungx ndiev nyei ga'naaiv, mv baac zuqc guangc ninh nyei maengc,** ninh duqv wuov deix ga'naaiv zoux cuotv haaix nyungc? Maiv lamh longc yietc deix. Ninh maaih haaix nyungc haih tiuv duqv ninh nyei maengc nzuonx?

Lugaa 10:27 Wuov dauh fin-saeng dau, "Oix zuqc **longc nzengc hnyouv,** longc nzengc **za'eix,** longc nzengc **qaqv,** longc nzengc **cong-mengh** hnamv Ziouv, meih nyei Tin-Hungh. Yaac oix zuqc hnamv mienh hngangv hnamv ganh nor."

Hipv^lu 4:12 Tin-Hungh nyei waac se nangh nyei, maaih qaqv nyei, gauh laic jiex yietc zungv I maengx laic nyei nzuqc ndaaub. **Haih nzopv bieqc taux Hnyouv caux lings wuonh gapv nyei dorngx,** mbungv-fim caux mbungv-daaux gapv nyei dorngx. Zungv haih siemv duqv mienh hnyouv nyunc zoux nyei caux hnyouv hnamv cuotv nyei sic.

A. BAAMH MIENH ZIQC ZUIZ TIN-HUNGH

1. Baamh mienh JIEG GORN ZOUX LONGX

Tin Deic Douh 1:31 Tin-Hungh mangc ninh zeix daaih nyei nyungc-nyungc ga'naaiv, **buatc za'gengh longx haic.** Maaih lungx hmuangx yaac maaih lungx ndorm. Naaiv se da'luoqc hnoi.

2. Baamh mienh HAIH GINX LONGX FAI WAIC

Tin Deic Douh 2:16-17 Ziouv hatc ninh, "Yiem naaiv huingx gu'nyuoz haaix zungx biouv nyanc duqv nyei. **17** Mv baac bun mienh hiuv duqv longx hiuv duqv ciouv wuov zungx cin-maanc maiv dungx nyanc. Se gorngv meih nyanc nor, dongh wuov hnoi za'gengh oix zuqc daic aqv."

3. SAADAAN NDUOV da'yietv doic mienh ginx zoux dorngc

A. Naang nduov Aa^ndam caux Haawaa mbungx mbienv. hlungx hluotv

Tin Deic Douh 3:1 Ziouv Tin-Hungh zeix daaih nyei yietc zungv dongh naang gauh guaix jiex. Naang naaic gaax wuov dauh m'sieqv dorn, "Tin-Hungh za'gengh gorngv maiv bun meih mbuo nyanc yiem naaiv huingx gu'nyuoz nyei haaix nyungc biouv fai?"

B. Naang nduov ninh mbuo maiv sienx Tin-Hungh nyei waac.

Tin Deic Douh 3:4-5 Naang gorngv mbuox m'sieqv dorn, "Meih mbuo maiv daic lorqc. Tin-Hungh hngangv naaiv nor gorngv weic zuqc ninh hiuv duqv meih mbuo nyanc liuz, meih mbuo haih hnamv duqv tong, yaac hngangv ninh nor, haih hiuv duqv longx hiuv duqv waaic."

C. Naang nduov ninh mbuo sienx ninh nyei waac.

Tin Deic Douh 3:6 Wuov dauh m'sieqv dorn mangc buac wuov zungx biouv nzueic nyei, daaix nyanc kuv nyei. **Ninh yaac hnamv daaih se gorngv haih bun mienh guai nor, za'gengh longx haic. Ninh ziouc gaeqv daaih nyanc aqv. Aengx bun deix ninh nyei nqox nyanc.**

1. Ninh mbuo cingx daaih maiv ei Tin-Hungh nyei leiz latc.

2. Ninh mbuo nyanc wuov nyungc biouv.

3. Naaiv se dorngc Tin-Hungh (ndiqv zuqc ndorpc)

4. Aa^ndam caux Haawaa dorngc liuz aqc ninh mbuo cingx

4. AA^NDAM MBUO HNANGV HAAIX NOR GOIV BENX GANH NYUNGX?

a. Nyaiv Mangc Tin Deic Douh 3:7-24;

- b. Gamh nziex Tin-Hungh 3:10;
- c. Maaiah sin nyei ziangh hoc kouy 3:16;
- d. Nduty sin nyei ziangh hoc mun 3:16;
- e. Nqox oix gunv auv 3:16;
- f. Ndau zuqc houv 3:17;
- g. Ndau oix cuotv njimv 3:18;
- h. Oix zuqc zoux gong kouy 3:19;
- i. Zunc cuotv Huingx 3:22-24

5. **BAAMH MIENH yietc zungv cingx BUANGH HAAIX NYUNGC KOUV ?**

Tin Deic Douh 3:7 Nyanc liuz, ninh mbuo l dauh haih hnamv duqv tong, hiuv duqv nyungc-nyungc yaac hiuv duqv ninh mbuo laengh gaengv nyei yiem. Ninh mbuo ziouc zorqv ngongh nyorx ndiangx-normh lunh daaih pongx jienv aqv.

A. Ih zanc MAAIH GANH NYUNGC FIEM-FINGX.

Lomaa 1:18-32 Tin-Hungh yiem wuov tin-dorngx biux mengh **ninh nouz haic mienh mangc piex ninh, yaac nouz haic mienh zoux nyei yietc zungv waaic sic.** Ninh mbuo zoux nyei waaic sic muangh jienv zien leiz, maiv bun mienh hiuv. 19 Tin-Hungh ziouc dingc ninh mbuo nyei zuiz weic zuqc ninh mbuo haih hiuv duqv Tin-Hungh. Se Tin-Hungh ganh biux mengh bun ninh mbuo hiuv. 20 Yiem zeix lungx zeix ndau daaih wuov zanc Tin-Hungh yietc liuz yiem nyei domh qaqv caux ninh nyei fiem-fingx, maiv gunv m'zing mangc maiv buac mv baac Tin-Hungh bun mienh mengh mengh hiuv duqv nyei. Buac Tin-Hungh zeix daaih nyei ga'naaiv ziouc bun ninh mbuo hiuv duqv Tin-Hungh aqv. Ninh mbuo ziouc maiv maaiah dorngx jaiv sin. 21 Ninh mbuo hiuv duqv Tin-Hungh mv baac maiv taaih ninh zoux Tin-Hungh yaac maiv laengz zingh ninh. Ninh mbuo hnamv nyei javv ziouc maiv lamh longc aqv. Hnyouv hngongx yaac hmuangx mi'aqv. 22 Ninh mbuo ceng ganh cong-mengh mv baac ninh mbuo hngongx haic. 23 Ninh mbuo horpc zuqc zangc maiv haih daic nyei Tin-Hungh. Daaux nzuonx **ninh mbuo zangc miuc-fangx,** dongh maaiah haih daic nyei mienh nyei fangx zeiv, caux norqc, caux saeng-kuv caux gaeng-gueiv nyei fangx zeiv nyei miuc-fangx. 24 Weic naaiv Tin-Hungh sueih ninh mbuo ei ganh nyei **hnyouv hanc zoux laih hlopv nyei sic,** longc ninh mbuo nyei sin, **laanh caux laanh zoux nyaiv haic nyei sic.** 25 Ninh mbuo **dorh Tin-Hungh nyei zien leiz goiv benx jaav leiz daaih longc.** Ninh mbuo **buoqc zangc zeix daaih nyei ga'naaiv** div zeix maanc muotc wuov dauh Tin-Hungh, dongh mienh yietc liuz oix zuqc ceng wuov dauh. Aa^men. 26 Laaix mienh hngangv naaiv nor zoux, Tin-Hungh sueih ninh mbuo ei ganh nyei hnyouv hanc zoux nyaiv haic nyei sic. M'sieqv dorn horpc zuqc longc m'jangc dorn mv baac daaux nzuonx **m'sieqv longc m'sieqv.** 27 M'jangc dorn yaac fih hngangv nyei guangc m'sieqv dorn maiv longc. **M'jangc dorn hanc oix longc m'jangc** hngangv douz zieqc jienv hnyouv nor jorm, laanh caux laanh zoux nyaiv haic nyei sic. Ninh mbuo zoux nyei waaic sic ziouc winh bun ninh mbuo aqv. 28 Laaix mienh hnyouv ngaengc maiv oix hiuv Tin-Hungh, Tin-Hungh cingx daaih maiv gunv ninh mbuo. Sueih ninh mbuo gan ninh mbuo ganh waaic haic nyei hnyouv zoux maiv horpc zuqc zoux nyei sic. 29 Ninh mbuo kungx zoux nyungc-nyungc waaic haic, orqv haic nyei sic, **mauv ga'naaiv,** laanh caux **laanh zoux maiv benx nyei javv.** Ninh mbuo **mueic jieqv, daix mienh, nzaeng jaax, nduov mienh, hnamv oix hoic mienh, gorngv waac-huv, 30 pien buix daanh mienh, nzorng Tin-Hungh, gorngv doqc mienh, zoux maux, ceng-hlo, daav za'eix zoux waaic, maiv muangx diex maac.** 31 Ninh mbuo **waaic laangh fim, maiv ei laengz nyei waaic zoux, maiv hnamv mienh yaac maiv korh lienh mienh.** 32 Ninh mbuo hiuv duqv Tin-Hungh nyei leiz gorngv zoux naaiv nyungc sic nyei mienh oix zuqc daic. Mv baac maiv daan ninh mbuo ganh zoux hngangv, mienh zoux, ninh mbuo yaac a'hneiv nyei.

B. HNYOUV LAIH HLOPV.

Tin Deic Douh 6:5-8 Ziouv buac yiem **lungx ndiev mienh zoux waaic sic camv.** Hnyouv haaix zanc kungx hnamv cuotv waaic nyei javv hngangv. 6 Ziouv haiz **hnyouv mun haic,** hnamv-nzuonx, feix duqv ninh maiv dungx zeix mienh maanh daaih yiem lungx ndiev. Ninh yaac nzauh haic. 7 Ziouv gorngv, "Yie oix fioux nzengc gaaatv nzengc yie zeix daaih nyei mienh, maiv bun yiem ndau-beih. Liemh mienh liemh hieh zoih, nyorng ndau nyei ga'naaiv caux ndaamh lungx nyei norqc oix mietc nzengc, weic zuqc yie hnamv-nzuonx feix duqv maiv dungx zeix naaiv deix ga'naaiv." 8 **Mv baac Noyaa zoux duqv horpc Ziouv nyei hnyouv.**

Lomaa 7:13 Wuov nyungc, se gorngv leiz-latc longx nyei, leiz-latc haih bun yie daic fai? Zungv maiv zeiz! Bun yie daic se dongh zuiz. Zuiz longc longx nyei ga'naaiv bun yie zuqc daic weic bun yie hiuv duqv zuiz za'gengh hngangv haaix nor. Hngangv naaic, **laaix leiz-latc mbuo hiuv duqv zuiz se waaic taux daauh aqv.** Mangc: E^fe^so 4:18; 1 Ko^lin^to 2:14; Ye^le^mi 17:9-10; Tidatc 1:15; 2 Ko^lin^to 7:5; Lomaa 7:18; 23

C. LEIH GO TIN-HUNGH.

Lomaa 3:23 “weic zuqc mouz dauh mienh zungv baamz zuiz, leih duqv Tin-Hungh nyei njang-laangc go.”

D. OIX ZOUX ZUIZ.

Lomaa 3:9-20 “Wuov nyungc, mbuo Yiutai Mienh gauh longx Janx fai? Maiv zeiz. Zungv gorngv jiex nyei, Yiutai Mienh caux Janx yietc zungv zuqc zuiz nyei qaqv gunv jienv nyei. 10 Hnangv Ging-Sou fiev jienv gorngv, “Maiv maaih haaix dauh caux Tin-Hungh horpc hnyouv, yietc dauh yaac maiv maaih. 11 Maiv maaih haaix dauh mengh baeqc, yaac maiv maaih haaix dauh oix gan Tin-Hungh. 12 Dauh dauh huin nqaang leih Tin-Hungh. Yietc zungv ziouc waaic nzengc mi'aqv. Maiv maaih haaix dauh zoux longx, yietc dauh yaac maiv maaih.” 13 “Ninh mbuo nyei jaang-hoh hnangv wetv tong nyei janx-daic zouv nor. Ninh mbuo longc mbietc gorngv waac nduov mienh.” “Nzuih meix yaac gorngv waac-doqc hnangv naang-doqc nyei ndie nor.” 14 “Maaih im haic zioux mienh nyei waac buangv nzengc nzuih baengx.” 15 “Ninh mbuo hungh hec zoux doqc daix mienh siepv, 16 mingh taux haaix yaac kungx zoux waaic bun mienh kouv hnangv. 17 Baengh orn nyei javv ninh mbuo maiv hiuv.” 18 “Ninh mbuo yaac maiv hiuv duqv gamh nziex Tin-Hungh.” 19 Mbuo hiuv duqv leiz-latc fiev daaih gorngv nyei yietc zungv se gorngv bun yiem leiz-latc ga'ndiev nyei mienh. Hnangv naaiv bun mouz dauh mienh maiv maaih waac gorngv, yaac bun lungh ndiev mienh zuqc Tin-Hungh siemv zuiz. 20 Weic zuqc ei Tin-Hungh mangc, maiv maaih haaix dauh weic ei jienv leiz-latc zoux haih duqv caux Tin-Hungh horpc hnyouv. Leiz-latc kungx bun mienh hiuv duqv ganh maaih zuiz hnangv.

E. Aa^ndam nyei zeiv fun YIETC LIUZ yaac MAAIH HNYOUV ZOUX DORNGC SIC

Lomaa 5:12-19 “Laaix nduqc dauh mienh baamz zuiz, zuiz bieqc baamh gen. Zuiz yaac zoux bun mienh zuqc daic. Weic naaiv zuqc daic nyei qaqv linh jienv mingh bun maanc mienh zuqc daic weic zuqc dauh dauh mienh baamz zuiz. 13 Tin-Hungh maiv gaengh bun leiz-latc mienh wuov zanc, zuiz yiem baamh gen ndaangc aqv. Mv baac yiem haaix maiv maaih leiz-latc, yiem wuov maiv funx maaih zuiz. 14 Hnangv haaix yaac baac, yiem Aa^ndam nyei lungh ndiev taux Mose nyei lungh ndiev, zuqc daic nyei qaqv gunv jienv maanc mienh. Liemh maiv baamz zuiz hnangv Aa^ndam baamz nyei zuiz wuov deix yaac zuqc daic nyei qaqv gunv jienv. Aa^ndam zoux nqa'haav oix daaih wuov dauh nyei nyungc zeiv mv baac ninh mbuo i dauh maiv fih hnangv, 15 weic zuqc Tin-Hungh baeqc baeqc bun nyei zingh nyeic caux Aa^ndam baamz nyei zuiz maiv fih hnangv. Laaix yietc dauh mienh baamz zuiz, mienh camv nyei zuqc daic. Mv baac Tin-Hungh nyei en caux ninh baeqc baeqc bun nyei zingh nyeic gauh hlo jiex, dongh ninh longc yietc dauh mienh, Yesu Giduc nyei en bun mienh camv duqv nyei zingh nyeic. 16 Tin-Hungh ceix bun nyei zingh nyeic caux yietc dauh mienh baamz nyei zuiz maiv fih hnangv. Yietc dauh mienh baamz yietc nzunc zuiz ziouc zuqc dingc jienv zuiz aqv. Mienh camv baamz zuiz mv baac weic Tin-Hungh ceix bun nyei zingh nyeic ninh mbuo duqv caux Tin-Hungh horpc hnyouv. 17 **Laaix yietc dauh mienh baamz nyei zuiz, zuqc daic nyei qaqv ziouc gunv jienv maanc mienh.** Mv baac Yesu Giduc, nduqc dauh mienh, zoux nyei sic hlo duqv ndongc haaix camv. Weic zuqc dauh dauh mienh duqv zipv Tin-Hungh nyei hungh en ziouc duqv caux Tin-Hungh horpc hnyouv. Yesu Giduc zungv bun ninh mbuo ziangh seix maaih qaqv gunv duqv nyungc-nyungc 18 Hnangv naaiv, **laaix nduqc dauh mienh baamz nzunc zuiz, zuangx mienh zuqc dingc zuiz. Fih hnangv nyei, nduqc dauh mienh zoux nzunc kuv sic ziouc bun mienh benx bungx nqoi nyei mienh, duqv ziangh jienv.** 19 **Nduqc dauh mienh maiv muangx Tin-Hungh nyei waac, zuangx mienh ziouc benx zuiz-mienh nzengc. Fih hnangv nyei, nduqc dauh mienh muangx Tin-Hungh nyei waac, zuangx mienh ziouc duqv caux Tin-Hungh horpc hnyouv.**

F. DAUH DAUH MAAIH ZUIZ.

Lomaa 3:22-23 Weic zuqc mienh sienx kaux Yesu Giduc, Tin-Hungh cingx bun dauh dauh sienx ninh wuov deix duqv caux ninh horpc hnyouv. Yaac maiv maaih haaix dauh ganh nyungc, 23 weic zuqc **mouz dauh mienh zungv baamz zuiz**, leih duqv Tin-Hungh nyei njang-laangc go.

G. TIN-HUNGH NOUZ HAIC ZUIZ.

E^fe^so 2:2-4 Wuov zanc meih mbuo kungx gan baamh gen orqv haic nyei za'eix hnangv. Meih mbuo muangx gunv ndaamh lungh wuov dauh, dongh ih zanc yiem maiv muangx Tin-Hungh nyei waac wuov deix mienh nyei hnyouv zoux gong wuov dauh mienv. 3 **Zinh ndaangc** mbuo yietc zungv yiem wuov deix mienh mbu'ndongx kungx ei mbuo nyei hnyouv hanc zoux, sueih ganh nyei sin ganh nyei hnyouv oix zoux nyei ziouc zoux aqv. Weic naaiv, ziux mbuo nyei fiem-fingx mbuo m'daaih hnangv wuov deix nor, **zuqc Tin-Hungh nouz mbuo.** 4 Mv baac Tin-Hungh za'gengh korh lienh mienh haic yaac ndongc naaic hnamv mbuo,...

Yo^han 3:36 Haaix dauh sienx kaux Tin-Hungh nyei Dorn, wuov dauh maaih yietc liuz nyei maengc. Mv baac haaix dauh maiv muangx Tin-Hungh nyei Dorn nyei waac nor, maiv haih duqv yietc liuz nyei maengc yaac zuqc **Tin-Hungh zanc-zanc dingc jienv ninh nyei zuiz.**”

H. Tin-Hungh OIX ZUQC DINGC ZUIZ.

Tin Deic Douh 3:14-19 Ziouv Tin-Hungh mbuox wuov diuh naang, “Laaix meih hngangv naaiv nor zoux, meih ziouc zuqc hou v gauh camv yietc zungv saeng-kuv, gauh camv yietc zungv hieh zoih. Meih oix zuqc longc ga'sie luih jien v gan ndau mingh, yietc seix oix zuqc nyanc nie-mbung. 15 Yie oix bun meih caux naaiv dau h m'sieqv dorn daav win. Yaac bun meih nyei zeiv-fun caux ninh nyei zeiv-fun zoux win-wangv. Ninh nyei zeiv-fun oix mborqv meih nyei m'nqorngv huv. Meih yaac oix nyorqv ninh nyei zaux-nqo.” 16 **Tin-Hungh yaac gorngv mbuox wuov dau h m'sieqv dorn**, “Maaih sin nyei ziangh hoc yie oix jaa tipv bun meih kou v. Ndu tv sin nyei ziangh hoc meih oix zuqc mun. Mv baac meih corc oix longc meih nyei nqox. Meih nyei nqox yaac oix gunv jien v meih.” 17 **Tin-Hungh yaac gorngv mbuox Aa^ndam**, “Laaix meih muangx meih nyei au v nyei waac, nyanc dongh yie hatc meih ‘Maiv dungx nyanc wuov zung h biouv, ‘ndau ziouc weic meih zoux nyei sic zuqc hou v. Eih yietc seix oix zuqc bangc ndau zoux gong kou v cingx duqv nyanc. 18 Nda u oix weic meih cuotv miev cuotv njimv. Meih yaac oix zuqc nyanc yiem ndau cuotv nyei lai-miev. 19 Meih oix zuqc zoux gong kou v cuotv ziox sin hanc wuov deix ndau cingx daaih haih cuotv deix ga'naaiv. Zoux taux meih aengx nzuonx benx nie, weic zuqc meih se nie benx daaih. Meih se nie. Meih oix zuqc aengx benx nzunc nie aqv.”

I. MOUZ DAUH mienh OIX ZUQC DAIC

Tin Deic Douh 2:16-17 “Ziouv hatc ninh, “Yiem naaiv huingx gu'nyuoz haaix zung h biouv nyanc duqv nyei. 17 Mv baac bun mienh hiuv duqv longx hiuv duqv ciouv wuov zung h cin-maanc maiv dungx nyanc. **Se gorngv meih nyanc nor, dongh wuov hnoi za'gengh oix zuqc daic aqv.**”

Lomaa 5:12 “Laaix nduqc dau h mienh baamz zuiz, zuiz bieqc baamh gen. **Zuiz yaac zoux bun mienh zuqc daic. Weic naaiv zuqc daic nyei qaqv linh jien v mingh bun maanc mienh zuqc daic weic zuqc dau h dau h mienh baamz zuiz.**”

J. Maaih jien v zuiz OIX ZUQC FUNX BENX SAADAAN NYEI FU'JUEIV

Yo^han 8:44 “Meih mbuo nyei die se mienv nyei hungh. Meih mbuo kungx oix ei jien v meih mbuo nyei die nyei eix zoux hngangv. Yiem gorn wuov ninh m'daaih daix mienh. Ninh yietc liuz maiv a'hneiv zien leiz, weic zuqc yiem ninh gan h maiv maaih zien leiz. Ninh gorngv-baeqc weic zuqc ninh ei ninh gan h nyei fiem-fingx m'daaih gorngv-baeqc. Ninh kungx gorngv-baeqc hngangv yaac zoux gorngv-baeqc nyei die.”

1 Yo^han 3:8-10 “Haaix dau h baamz zuiz se mienv nyei hungh nyei mienh, weic zuqc mienv nyei hungh m'daaih yiem gorn baamz zuiz taux ih zanc. Weic naaiv Tin-Hungh nyei Dorn daaih, se weic mietc nzengc mienv nyei hungh zoux nyei gong. 9 Haaix dau h zoux Tin-Hungh nyei naamh nyouz, wuov dau h maiv baamz jien v zuiz mingh weic zuqc Tin-Hungh nyei fiem-fingx yiem jien v ninh nyei hnyouv. Tin-Hungh zoux ninh nyei Die, ninh ziouc maiv haih baamz jien v zuiz mingh. 10 **Hngangv naaiv mbuo haih hiuv duqv haaix dau h zoux Tin-Hungh nyei naamh nyouz, haaix dau h zoux mienv nyei hungh nyei naamh nyouz.** Haaix dau h maiv zoux horpc fai maiv hnamv ninh nyei gorx-youz, wuov dau h se maiv zeiz Tin-Hungh nyei naamh nyouz aqv.”

1 Yo^han 5:19 “Maiv gunv baamh gen yiem hiuang orqv wuov dau h nyei buoz-ndiev, **mbuo hiuv duqv mbuo benx Tin-Hungh nyei naamh nyouz.**”

K. YESU ZUQC SEIX hngangv Aa^ndam caux Haawaa MV BAAC YESU MAIV ZOUX ZUIZ

Matv^taai 4:1-11 Yesu jix liuz wuom nyei leiz, Singx Lingh ziouc dorh ninh mingh deic-bung-huaang zuqc mienv nyei hungh seix. 2 Feix ziepc hnoi feix ziepc muonz Yesu ze maiv nyanc haaix nyungc, hnyouv ziouc sie aqv. 3 Mienv nyei hungh ziouc daaih lorz ninh yaac gorngv, “Meih za'gengh Tin-Hungh nyei Dorn nor, heuc naaiv deix la'bieiv benx njuov daaih maah!” 4 Yesu dau, “Ging-Sou fiev jien v gorngv, ‘Mienh maiv zeiz kungx kaux nyanc hopv yungz maengc hngangv. Yaac oix zuqc kaux Tin-Hungh gorngv nyei joux-joux waac.”

5 Mienv nyei hungh ziouc dorh Yesu mingh cing-nzengc nyei zingh, Ye^lu^saa^lem, bun ninh yiem zangc Tin-Hungh nyei biau v hlang jix nyei dorngx, 6 gorngv mbuox ninh, “Meih za'gengh Tin-Hungh nyei Dorn nor, biu njiec gaax. Weic zuqc Ging-Sou fiev jien v gorngv, ‘Tin-Hungh oix paaiv ninh nyei fin-mienh gou x jien v meih. Ninh mbuo ziouc longc buoz bou h jien v meih, liemh maiv bun meih nyei zaux zong zuqc la'bieiv.” 7 Yesu dau, “Mv baac Ging-Sou yaac fiev jien v gorngv, ‘Maiv dungx seix Ziouv, meih nyei Tin-Hungh.” 8 Mienv nyei hungh aengx dorh Yesu faaux norm hlang haic nyei mbong, bun ninh mangc lung h ndiev maanc guoqv yaac mangc maanc guoqv nyei njang-laangc. 9 Mienv nyei hungh gorngv, “Se gorngv meih gueic njiec baaix yie, yie ziouc zorqv naaiv deix yietc zungv bun meih.” 10 Yesu ziouc dau, “Saadaan aah, biaux nqoi maah! Ging-Sou fiev jien v gorngv, ‘Oix zuqc baaix Ziouv, meih nyei Tin-Hungh. Kungx oix zuqc zangc ninh nduqc dau h hngangv.” 11 Mienv nyei hungh ziang naaic leih nqoi Yesu mi'aqv. Fin-mienh ziouc daaih liuc leiz Yesu.

Hipv^lu 4:15 “Mbuo nyei domh sai mienh maiv zeiz maiv hiuv mbuo mau nyei dorngx, weic zuqc ninh ganh yaac zuqc nyungc-nyungc seix jiex, hhangv mbuo zuqc seix nor, mv baac ninh maiv baamz zuiz.”

L. Baamh mienh YIETC ZUNGV ZUQC SEIX FIH HNANGV NYEI

1 Yo^han 2:15-17 “Maiv dungx hnamv baamh gen fai hnamv baamh gen nyei ga'naaiv. Haaix dauh hnamv baamh gen, wuov dauh maiv maaih hnyouv hnamv Zangc Diex. 16 **Weic zuqc yietc zungv yiem baamh gen nyei ga'naaiv se baamh mienh hanc nyei**, m'zing buatc ziouc mueic jieqv nyei, caux mienh ceng hlo zoux maux nyei sic. Naaiv deix yietc zungv se yiem baamh gen cuotv daaih nyei, maiv zeiz yiem Zangc Diex daaih. 17 Baamh gen caux yiem baamh gen **yoqc mienh nyei ga'naaiv** jiex jienv mingh aqv. Mv baac haaix dauh ei jienv Tin-Hungh nyei eix zoux, wuov dauh ziouc duqv yietc liuz ziangh jienv.”

M. Baamh mienh maaih NYUNGC-NYUNGC ZUIZ HLO HAIC

1. Zoux WAAIC SIC NYEI JAUV YIETC ZUNGV SE ZUIZ

1 Yo^han 3:4 “Haaix dauh baamz zuiz se baamz Tin-Hungh nyei leiz-latc weic zuqc zuiz se baamz leiz-latc nyei sic.”

2. Yiem hnyouv HNAMV TAUX WAAIC NYEI JAUV YAAC BENX ZUIZ

Matv^taai 5:21-22 “Loz-hnoi njaaux mienh naaiv deix waac meih mbuo haiz jiex nyei, ‘Maiv dungx daix mienh. Haaix dauh daix mienh oix zuqc dingc zuiz.’ 22 Mv baac yie mbuox meih mbuo, haaix dauh qiex jieqz ninh nyei gorx-youz, zungv zuqc siemv zuiz aqv. Haaix dauh hemx ninh nyei gorx-youz, ‘Ga'naaiv-hngongx aah!’, wuov dauh zuqc dorh mingh Gunv Sic Wuic siemv zuiz. Haaix dauh hemx ninh nyei gorx-youz, ‘Ga'naaiv-mbuo piqv’, gamh nziex wuov dauh zic duqv ndortv deic nyuoqc nyei douz.”

Matv^taai 5:27-28 “Meih mbuo haiz jiex loz-hnoi njaaux mienh naaiv deix waac, ‘Maiv dungx hienx auv hienx nqox.’ 28 Mv baac ih zanc yie mbuox meih mbuo, haaix dauh buatc dauh m'sieqv dorn yaac haiz hanc, se dorngx yiem hnyouv hienx liuz aqv.”

N. MAIV ZOUX mbuo horpc zuqc zoux nyei jauv YAAC BENX ZUIZ

Yaagorpc 4:17 “Hhangv naaic, haaix dauh hiuv duqv ninh horpc zuqc zoux haaix nyungc kuv sic, ninh yaac maiv zoux, wuov dauh ziouc maaih zuiz aqv.”

O. YIETC ZUNGV ZUIZ se ZOUX DORNGC TIN-HUNGH NYEI JAUV

Singx Nzung 51:4 Ndaawitv Hungh hienx auv nqa'haav goiv hnyouv nyiemc zuiz ninh gorngv, “**Yie baamz zuiz dorngc Meih, kungx dorngc Meih hhangv.** Yaac ziux Meih buatc, yie zoux orqv nyei sic. Weic naaiv Meih dingc yie nyei zuiz se baengh fim nyei, Meih dunx yie nyei sic yaac dunx duqv horpc.”

Tin Deic Douh 39:9 Yosepv caux Bo^ti^faa nyei auv gorngv “...**Yie fungc haih zoux waaic sic ndongc naaic hlo, baamz zuiz dorngc Tin-Hungh?**”

Maaih dauh mienh gorngv,
“Mbuo maiv zeiz zuiz mienh weic zuqc mbuo ziqc zuiz.
Mv baac mbuo ziqc zuiz weic zuqc mbuo benx zuiz mienh.”

Yaac maaih dauh gorngv, “**Yietc diuh ndiangx maiv zeiv ba'jaauh ndiangx weic zuqc ninh maaih ba'jaauh biouv. Wuov diuh ndiangx benx ndaangc ba'jaauh ndiangx. NINH NYEI BIUV CINGX DAANH BENX BA'JAUH BIUV.**”

Yo^han 3:19 “*Siemv zuiz nyei gorn hhangv naaiv. Njang daaih bieqc baamh gen. Mienh maiv oix longc njang, kungx oix longc hmuangx hhangv, weic zuqc ninh mbuo zoux nyei sic se waaic haic.*”

P. BAAMH MIENH HAIH DUQV NJOUX SE:

1. Mbuo oix zuqc SIENX KAUX TIN-HUNGH

Hipv^lu 11:6 njaaux se gorngv mbuo maiv sienx mbuo maiv haih zoux maiv horpc Tin-Hungh nyei hnyouv: “Se gorngv mienh maiv maaih sienx fim, maiv haih zoux bun Tin-Hungh horpc hnyouv. Weic zuqc haaix dauh daaih lorz Tin-Hungh oix zuqc sienx za'gengh maaih Tin-Hungh nyei, yaac sienx Tin-Hungh ceix zingh nyeic bun longc hnyouv daaih lorz ninh wuov deix mienh.”

Da'hmz Ginc Sienx Fim Nyei Jauv

Yesu, Bide, caux Baulo gorngv sienx fim nyei jauv se jienv haic:

Matv^taai 15:28 Yesu gorngv mbuox dauh Kaa^naa^an m'sieqv dorn, “Meih naaiv dauh dorc za'gengh sienx duqv longx haic. Ei meih oix longc nyei, meih ziouc duqv aqv.” Wuov dauh janx-muangz nyei sieqv doix wuov norm ziangh hoc ziouc longx mi'aqv.”

Matv^taai 8:10 “Yesu gorngv taux dauh Lomaa baeng-bieiv, Yesu haiz naaiv deix waac ninh mbuoqc horngh haic ziouc mbuox gan ninh daaih wuov deix mienh, “Yie gorngv zien mbuox meih mbuo, ye maiv buatc jiex mienh sienx ndongc naaiv longx. Liemh l^saa^laa^en Mienh yaac maiv maaih yietc dauh.”

Maako 10:52 Yesu gorngv mbuox dauh m'zing maengh nyei mienh, -- Yesu mbuox ninh, “Gunv mingh aqv. Laaix meih sienx yie, meih nyei m'zing ziouc longx.” Ninh liemh zeh haih mangc duqv buatc ziouc gan jienv Yesu mingh mi'aqv.”

Gong-Zoh 16:31 Baulo mbuo dau, “Oix zuqc sienx kaux Ziouv Yesu, meih caux meih nyei yietc biauv mienh ziouc duqv njoux aqv.”

2 Bide 1:5-7 Bide gorngv nyungc-nyungc kuv sic yiem sienx fim cuotv daaih. “Weic naaiv meih mbuo oix zuqc longc qaqv bun meih mbuo nyei sienx fim jaa zoux kuv sic. Zoux kuv sic yaac oix zuqc jaa hiuv duqv Tin-Hungh. 6 Hiuv duqv Tin-Hungh yaac oix zuqc jaa haih gunv duqv ganh. Haih gunv duqv ganh yaac oix zuqc jaa maaih noic diev. Maaih noic diev yaac oix zuqc jaa gan longx Tin-Hungh. 7 Gan longx Tin-Hungh yaac oix **zuqc jaa hnamv sienx Yesu nyei gorx-youz. Hnamv sienx Yesu nyei gorx-youz** yaac oix zuqc jaa hnamv zuangc mienh.”

1 Ko^lin^to 13:13 – Baulo gorngv taux buo nyungc jienv haic, - Mv baac ih zanc corc maaih buo nyungc yiem jienv. Maaih **sienx fim**, maaih lamh hnamv dorngx, maaih laanh hnamv laanh. Mv baac gauh hlo jiex se laanh hnamv laanh.”

1. Maaih camv -norm dorngx njaaux taux mbuo oix zuqc sienx:

Maako 5:36; 9:24; 16:16; Lugaa 8:12; Yo^han 1:7; 3:15-18, 36; 5:24; 6:40, 47; 7:38; 11:25-26; 8:45; 14:11; 20:31; Lomaa 1:16; 3:22; 10:4, 9-10; 16:26; 1 Yo^han 5:1, 5, 10

A. “Sienx kaux” maaih haaix nyungc eix leiz?

Hipv^lu 11:1-3 “Sienx fim se sienx dingc mbuo maaih lamh hnamv oix duqv nyei za'gengh oix duqv, yaac sienx dingc mbuo mangc maiv buatc nyei za'gengh maaih. 2 Loz-hnoi mienh weic sienx Tin-Hungh ziouc duqv Tin-Hungh a'hneiv ninh mbuo. 3 Weic mbuo maaih sienx fim mbuo cingx daaih mengh baeqc Tin-Hungh kungx gorngv cuotv waac hngangv ziouc zeix cuotv maanc muotc daaih. Hngangv naaic mangc duqv buatc nyei se yiem mangc maiv buatc nyei zeix cuotv daaih.

B. Hipv^lu 11:4-40 gorngv taux camv dauh loz-hnoi mienh za'gengh sienx duqv longx haic.

2. Se gorngv mbuo sienx duqv horpc MBUO OIX MUANGX TIN-HUNGH NYEI WAAC.

NZUNG NDAAUV 117 GORNGV: Sienx kaux muangx waac, maiv maaih nyiec nyei za'eix, Bun yie mbuo duqv zien orn-lorqc, kungx oix sienx kaux muangx waac.

Mbuo hoqc liuz taux oix zuqc sienx longx Tin-Hungh nyei jauv. Se gorngv mbuo maiv oix muangx Tin-Hungh nyei waac yaac maiv ei jienv Ninh njaaux mbuo zoux nyei jauv, mbuo fungc haih gorngv mbuo sienx Tin-Hungh? Hngangv naaiv mbuo za'gengh qiemx zuqc muangx Tin-Hungh nyei waac. YIEM GING-SOU ZIEX NORM

Lewi 26:3-7, 12 “Se gorngv meih mbuo **gan longx yie nyei lingc, muangx longx yie nyei leiz, yaac ei jienv zoux**, 4 yie oix ziux cun-ciou bun lungh duih mbiungc. Ndaou ziouc cuotv gaeng-zuangx. Biouv-ndeic nyei ndiangx yaac oix ziangh biouv. 5 Mborqv mbiauh ziouc duqv mborqv taux gaeqv a'ngunc biouv nyei ziangh hoc. Gaeqv a'ngunc biouv yaac duqv gaeqv taux aengx zuangx ga'naaiv nyei ziangh hoc. Meih mbuo ziouc maaih nyanc maaih hopv beuv. Meih mbuo yaac duqv yiem meih mbuo nyei deic-bung baengh orn nyei. 6 Yie oix bun wuov norm deic-bung taaix baengh. Meih mbuo oix duqv bueix njiec yaac maiv maaih haaix dauh bun meih mbuo gamh nziex. Yie oix bun wuov norm deic-bung ciouv nyei hieh zoih zutc nzengc. Meih mbuo nyei deic-bung yaac maiv maaih mborqv jaax nyei sic. 7 Meih mbuo oix zunc meih mbuo nyei win-wangv, ninh mbuo ziouc yiem meih mbuo nyei wuov ndaangc maengx zuqc nzuqc ndaaav daix. 12 Yie oix yiem meih mbuo mbu'ndongx yaac zoux meih mbuo nyei Tin-Hungh. Meih mbuo yaac oix zoux yie nyei baeqc fingx.

Nzanc Leiz-Latc 4:40 Oix zuqc muangx ninh nyei leiz-latc caux lingc, dongh ih hnoi yie mbuox meih mbuo nyei leiz, weic bun meih mbuo caux meih mbuo nqa'haav hingv nyei zeiv-fun haih duqv longx yaac yiem Ziouv, meih mbuo nyei Tin-Hungh, jiu bun meih mbuo weic yietc liuz nyei deic-bung, duqv ziangh ndaaav.

Nzanc Leiz-Latc 5:32-33 I^saa^laa^en Mienh aac, meih mbuo oix zuqc longc hnyouv ei jienv Ziouv, meih mbuo nyei Tin-Hungh, hatc meih mbuo nyei waac. Yaac maiv dungx bungx ndortv yietc diuh. 33 Oix zuqc ei jienv Ziouv, meih mbuo nyei Tin-Hungh, mbuox nyei naaiv deix diuh diuh leiz zoux, meih mbuo ziouc duqv ziangh jienv, duqv longx, yaac duqv yiem meih mbuo oix nzipc nyei deic-bung lauh.

Nzanc-Leiz-Latc 10:12-13 O I^saa^laa^en Mienh aac, ih zanc Ziouv, meih mbuo nyei Tin-Hungh, oix meih mbuo hngangv haaix nor zoux? Ninh oix meih mbuo taaih Ziouv, meih mbuo nyei Tin-Hungh, ei jienv ninh nyei eix, longc nzengc hnyouv longc nzengc za'eix hnamv ninh, fuh sux ninh. 13 **Oix zuqc gan longx Ziouv nyei leiz-latc caux leiz**, se yie ih hnoi jiu bun meih mbuo nyei leiz weic bun meih mbuo duqv longx.

1 Saa^mu^en 15:20- “...muangx waac gauh jienv jiex longc saeng-kuv ziec ...”

Singx Nzung 119:2 “Gan longx Ninh gorngv nyei waac, se longc nzengc hnyouv lorz Ninh wuov deix, maaih orn-lorqc.”

Lugaa 6:46-49 “Meih mbuo weic haaix diuc heuc yie, ‘Ziouv aah, Ziouv!’ yaac maiv ei jienv yie mbuox nyei waac zoux? 47 Haaix dauh daaih lorz yie, haiz yie nyei waac yaac ei jienv zoux, yie oix bun meih mbuo hiuv duqv wuov dauh hngangv haaix nor. 48 Ninh se hngangv dauh mienh gomv biauuv, wetv duqv ndo, bangc la'bieiv-baengh gu'nguaaic ceix jiez. Wuom yiemx, wuom gaaatv, biauuv yaac maiv mbaang, weic zuqc ceix duqv wuonv. 49 Haaix dauh haiz yie nyei waac yaac maiv muangx, maiv ei jienv zoux nor, se hngangv dauh mienh gomv biauuv yiem ndau yaac maiv maaih gorn-ndoqv. Wuom yiemx, wuom gaaatv, biauuv ziouc mbaang. Lomz! lomz nyei mbaang.”

Yo^han 14:15, 21, 23 ”Se gorngv meih mbuo hnamv yie, meih mbuo ziouc ei jienv yie nyei lingc zoux. 21 “Haaix dauh zipv yie nyei lingc yaac ei jienv zoux, dongh wuov dauh hnamv yie. Haaix dauh hnamv yie, yie nyei Die yaac hnamv ninh. Yie yaac hnamv ninh yaac oix bun ninh hiuv duqv yie.” 23 Yesu dauh ninh, “Haaix dauh hnamv yie ziouc ei jienv yie njaaux nyei waac zoux. Yie nyei Die ziouc hnamv ninh. Yie caux yie nyei Die yaac oix daaih lorz ninh, caux ninh yiem.”

Yo^han 15:10, 14 Se gorngv meih mbuo ei jienv yie nyei lingc zoux, yie ziouc zanc-zanc hnamv meih mbuo, hngangv yie ei jienv yie nyei Die nyei lingc zoux, ninh ziouc zanc-zanc hnamv yie. 14 Se gorngv meih mbuo ei jienv yie mbuox nyei waac zoux, meih mbuo ziouc zoux yie nyei gorx-youz aqv.”

Gong-Zoh 5:29 Bide caux wuov deix gong-zoh mbuo dau, “Yie mbuo oix zuqc muangx Tin-Hungh, maiv zeiz muangx mienh.”

E^fe^so 2:10 “Se Tin-Hungh nyei buoz-dauh zeix mbuo daaih, bun mbuo caux Giduc juangc maengc ziangh, weic yiem seix zangc zoux kuv sic, dongh Tin-Hungh jaa-ndaangc liuc leiz ziangx oix mbuo zoux nyei kuv sic.”

Fi^lipv^poi 2:12 “Hnamv nyei gorx-youz aac, weic naaiv, hngangv zinh ndaangc yie caux meih mbuo yiem, meih mbuo zanc-zanc muangx yie nyei waac. Ih zanc yie maiv caux meih mbuo yiem aqv, mv baac meih mbuo gauh oix zuqc muangx longx. Oix zuqc gamh nziex, sin zinx jienv longc qaqv zoux ziangx meih mbuo duqv njoux nyei jauv.”

Yaa^gorpc 1:22-25 “Maiv dungx nduov ganh laaic haiz liuz doz ziouc gauv aqv. Daax nzuonx oix zuqc ei jienv zoux. 23 Haaix dauh haiz liuz doz yaac maiv ei jienv zoux, se nhangv dauh mienh longc gingx mangc ninh ganh nyei hmien. 24 Mangc liuz, ziouc mingh mi’aqv. Yaac la’kuqv nzengc ninh ganh nyei hmien-mueic nhangv haaix nor. 25 Tin-Hungh dunh yunh nyei leiz-latc bun mienh duqv zoux bungx nqoi nyei mienh. Haaix dauh zaah mangc, yaac zanc-zanc zaah jienv, maiv la’kuqv ninh haiz nyei leiz, haiz liuz ziouc ei jienv zoux, wuov nyungc mienh yiem ninh zoux nyei sic ziouc duqv orn-lorqc.”

1 Yo^han 2:3-4 “Se gorngv mbuo ei jienv Tin-Hungh nyei lingc zoux, mbuo ziouc hiuv duqv dingc mbuo za’gengh hiuv Tin-Hungh. 4 Haaix dauh gorngv ninh hiuv duqv Tin-Hungh yaac maiv ei jienv Tin-Hungh nyei lingc zoux, wuov dauh kungx gorngv-baeqc nhangv. Zien leiz maiv yiem ninh nyei hnyouv aqv.”

1 Yo^han 5:2-3 “Mbuo nhangv naaiv nor hiuv duqv mbuo hnamv Tin-Hungh nyei naamh nyouz, weic zuqc mbuo hnamv Tin-Hungh yaac ei jienv ninh nyei lingc zoux. 3 Mbuo hnamv Tin-Hungh se nhangv naaiv, mbuo ei jienv ninh nyei lingc zoux. Ninh nyei lingc yaac maiv aqc duqv gan.” (beiv mangc naaiv deix dorngx oc: Cuotv I^yipv 20:6; Matv^taai 12:50; 25:23; Lugaa 6:46-48; Yo^han 14:31; 15:16; 1 Yo^han2: 6, 17; 3:22, 24; Lauc Yangh 22:7).

3. Tin-Hungh oix mbuo ZOUX BUO NYUNGC JAUV BUN CING MBUO ZA’GENGH SIENX:

Za’gengh goiv hnyouv maaih haaix nyungc eix leiz? Ei Ging-Sou mbuo oix zuqc:

1. Oix zuqc hiuv duqv mbuo ganh zoux dorngc yaac ziqc zuiz Tin-Hungh.
2. Oix zuqc korh fiqv yaac nzauh mbuo zoux daaih nyei sic.
3. Oix zuqc maaih hnyouv guangc zuiz goiv yenc ganh nyei maenge
4. Oix zuqc nyiemc zuiz bun Tin-Hungh.
5. Oix zuqc daux gauv tov Tin-Hungh tengx guangc zuiz.
6. Oix zuqc tiuv maenge guangc waaic sic yaac tiuv zoux kuv sic.

A. OIX ZUQC GOIV HNYOUV

GING-SOU NJAAUX MBUO OIX ZUQC ZOUX NYEI JAUV:

Tengx Mienh Jiex Wuom Nyei Leiz Wuov Dauh Yo^Han Gorngv “OIX ZUQC GOIV HNYOUV GUANGC ZUIZ.”

Matv^taai 3:1-2, 5-6 Ziangh hoc taux, tengx mienh jiex wuom nyei leiz wuov dauh Yo^han mingh wuov Yu^ndie Deic-Bung-Huaang zunh doz. 2 **Ninh gorngv**, “**Oix zuqc goiv hnyouv guangc meih mbuo nyei zuiz**, weic zuqc Tin-Hungh daaih zoux Ziouv gunv mienh nyei ziangh hoc taux fatv aqv.” Mienh yiem Ye^lu^saa^lem Zingh caux Yu^ndie Saengv caux Jor^ndaen Ndaaih hlen, horngc zangc nyei dorngx, cuotv mingh Lorz Yo^han. 6 **Ninh mbuo nyiemc ninh mbuo nyei zuiz**, Yo^han ziouc yiem wuov Jor^ndaen Ndaaih tengx ninh mbuo jiex wuom nyei leiz.

Yesu Fih Hnangv Nyei Jiez Gorn Zunh Doz Ninh Heuc Mienh Goiv Hnyouv

Matv^taai 4:17 Yangh naaiv mingh Yesu jiez gorn zunh doz. **Ninh gorngv**, “**Oix zuqc goiv hnyouv guangc zuiz**. Tin-Hungh daaih zoux Ziouv gunv mienh nyei hnoi taux fatv aqv.”

Yesu Hatc Ninh Nyei Sai-Gorx Mbuo Kuinx Mienh Goiv Hnyouv:

Lugaa 24:47 Oix zuqc dengv ninh nyei mbuox **mingh zunh mbuox mienh goiv hnyouv guangc zuiz** ziouc duqv Tin-Hungh guangc ninh mbuo nyei zuiz. Oix zuqc yiem Ye^lu^saa^lem Zingh jiez gorn zunh cuotv buangv maanc guoqv maanc fingx.

Bide Jiex Ben^De^Kotv Zipv Wuov Hnoi Heuc Mienh Goiv Hnyouv:

Gong-Zoh 2:36-41 “Hnangv naaiv, zuangx l^saa^laa^en Mienh oix zuqc hiuv dingc, dongh meih mbuo ding ziepc nzaangc jaax wuov dauh Yesu, Tin-Hungh orn zoux Ziouv yaac zoux Giduc.” 37 **Zuangx mienh haiz liuz naaiv deix waac, ziouc haiz hnyouv mun haic, hnangv ga^naaiv baqv jienv mba^nzui nor.** Ninh mbuo naaic gaax Bide caux yietc zungv gong-zoh, “Gorx-youz aah, yie mbuo oix zuqc hnangv haaix nor zoux?” 38 Bide dau, **Meih mbuo dauh dauh oix zuqc goiv hnyouv guangc zuiz,** dengv Yesu nyei mbuox jiex wuom nyei leiz weic duqv Tin-Hungh guangc meih mbuo nyei zuiz. Meih mbuo ziouc duqv zipv Tin-Hungh ceix bun nyei Singx Lingh. 39 Tin-Hungh laengz naaiv deix ngaengc waac se weic meih mbuo caux meih mbuo nyei fun-faqv, yaac weic yietc zungv yiem go nyei mienh, dongh mbuo nyei Ziouv Tin-Hungh heuc daaih benx ninh nyei baeqc fingx wuov deix.” 40 Bide aengx gorngv waac camv nyei zoux zorng-zengx kuinx ninh mbuo. Ninh gorngv, “Meih mbuo oix zuqc njoux meih mbuo ganh biaux ndutv naaiv doic hnyouv waaic nyei mienh oix zuqc dingc nyei zuiz.” 41 Mienh camv nyei sienx Bide nyei waac ziouc jiex wuom nyei leiz. Dongh wuov hnoi maaih leih maiv go buo cin dauh mienh tim bieqc gong-zoh mbuo nyei guanh.

2 Bide 3:9 Ziouv za'gengh ei ninh laengz nyei waac zoux, ninh maiv ngaih hnangv maaih deix mienh hnamv daaih ninh ngaih nor. Daaux nzuonx ninh zoux hnyouv ndaauv zuov meih mbuo, **maiv oix haaix dauh zuqc mietc. Ninh oix dauh dauh goiv hnyouv guangc zuiz.**

Baulo Yaac Njaux Mbuo Oix Zuqc Goiv Hnyouv:

Gong-Zoh 17:30-31 Zinh ndaangc mienh maiv hiuv nyei ziangh hoc, Tin-Hungh maiv zorqv ninh mbuo nyei zuiz. Mv baac **ih zanc** Tin-Hungh hatc yietc zungv lungn ndiev **norm-norm dorngx nyei mienh oix zuqc goiv hnyouv guangc zuiz.** 31 Weic zuqc Tin-Hungh dingc norm hnoi daaih siemv lungn ndiev mienh nyei zuiz. Ninh yaac longc dauh ninh gin v daaih nyei mienh baengh fim nyei siemv. Wuov laanh mienh daic mingh mv baac Tin-Hungh bun ninh nangh daaih bun zuangx mienh hiuv dingc za'gengh oix hnangv naaiv nor.”

Gong-Zoh 20:21 Maiv gunv Yiutai Mienh fai Janx, yie longx-longx nyei kuinx ninh mbuo **oix zuqc goiv hnyouv guangc zuiz nzuonx daaih lorz Tin-Hungh** yaac sienx mbuo nyei Ziouv Yesu.

Gong-Zoh 26:20 Yie ziouc yiem Ndaa^matv^gatc Zingh zunh doz ndaangc, nqa^haav mingh Ye^lu^saa^lem Zingh, aengx mingh gormx l^saa^laa^en Deic-Bung, aengx cuotv mingh Janx nyei dorngx **zunh doz bun zuangx mienh hiuv duqv ninh mbuo oix zuqc goiv hnyouv guangc zuiz nzuonx daaih lorz Tin-Hungh** yaac **zoux sic bun cing ninh mbuo za'gengh goiv hnyouv guangc zuiz mi^aqv.**

2 Ko^lin^to 7:9-10 Mv baac ih zanc yie njien-youh aqv, maiv zeiz weic yie bun meih mbuo nzauh, mv baac **weic naaiv deix nzauh nyei jauv bun meih mbuo goiv hnyouv.** Meih mbuo ei Tin-Hungh nyei eix nzauh. Hnangv naaic, maiv zeiz yie mbuo hoic haaix diuc meih mbuo. 10 Weic zuqc mienh ei Tin-Hungh nyei eix nzauh, **naaiv nyungc nzauh haih bun mienh goiv hnyouv, ziouc duqv njoux.** Hnangv naaic mienh ziouc maiv hnamv-nzuonx. Mv baac ei baamh mienh nyei za'eix nzauh nor, kungx bun mienh zuqc daic hnangv.

Mangc Dorn-Faix Dingx Laaih Nyei Waac-Beiv Yiem Lugaa 15:11-32. Dorn-Faix Za'gengh Goiv Hnyouv.

Doqc Lugaa 15:18-24 Yie oix nzuonx mingh mbuox yie nyei die, “Aa Die aah, yie ziqc zuiz Tin-Hungh yaac ziqc zuiz die. 19 Yangh naaiv jiex yie maiv puix die nyiemc yie zoux dorn aqv. Yie tov meih funx yie se hnangv yietc dauh meih nyei bou nor oc.” 20 Ninh ziouc jiez sin cuotv jauv nzuonx ninh nyei die wuov. “Nzuonx gau, corc leih go deix nyei, ninh nyei die buatc, zieqv duqv ninh nyei dorn aqv. Za'gengh korh lienh haic ziouc tiux mingh taux, qam jienv ninh nyei dorn zom. 21 “Ninh nyei dorn gorngv, **‘Aa Die aah, yie ziqc zuiz Tin-Hungh yaac ziqc zuiz die. Ih zanc yie zungv maiv puix die nyiemc yie zoux dorn aqv.’** 22 “Mv baac ninh nyei die heuc ninh nyei bou mbuo, ‘Nqongh mingh zorqv nzueic jiex wuov deix lui-houx daaih tengx ninh zuqv jienv. Aengx zorqv buoz-ndoqv-nzaeng daaih tengx ninh dangh jienv. Heh yaac zorqv daaih tengx ninh daapc jienv. 23 Oix zuqc aengx mingh zorqv junc jiex wuov dauh ngongh dorn daix daaih, mbenc daaih nyanc houc ninh. 24 Weic zuqc yie naaiv dauh dorn daic mingh aengx nangh daaih. Dingx laaih mingh aengx lorz buatc daaih.’ Zuangx mienh ziouc jiez gorn houc ninh aqv.

Yu^Ndaatc Hnyouv Nzauh Mv Baac Maiv Zeiz Za'gengh Goiv Hnyouv Longx.

Matv^taai 27:3-5 Maaic Yesu wuov dauh Yu^ndaatc buatc Yesu zuqc dingc zuiz wuov zanc, ninh goiv hnyouv aengx dorh wuov deix faah ziepc norm zinh dorn daaih tuix bun domh sai mienh caux mienh gox. 4 Ninh gorngv, “Yie zoux dorngc zuiz aqv, weic zuqc yie maaic maiv maaih zuiz nyei mienh bun ninh zuqc daic.” Wuov deix mienh dau, “Naaic maaih haaix nyungc paanx zuqc yie mbuo? Naaiv ndortv zuqc meih ganh aqv.” 5 Yu^ndaatc ziouc zoi wuov deix nyaanh guangc wuov zangc Tin-Hungh nyei biau v gu^nyuoz, ziang naaic cuotv mingh, aengx mingh ndiux jaang daic mi^aqv.

Gong-Zoh 1:18-19 (Naaiv dauh Yu^ndaatc longc ninh zoux waaic sic duqv daaih nyei nyaanh maaiz nzong ndau. Ninh yiem wuov nzong ndau ndorpc, orpv zuqc ga'sie mbaaix, jaangh baetv cuotv nzengc. 19 Ye^lu^saa^lem Zingh nyei zuangx mienh hiuv duqv naaiv kang sic ziouc ei ninh mbuo nyei waac cuotv wuov nzong ndau nyei mbuox heuc "Aa^ken^ndaa^maa". Eix leiz se "Maaih nziaamv nyei ndau.")

Se Gorngv Mbuo Za'gengh Goiv Hnyouv Mbuo Oix Nyiemc Zoux Dorngc

1 Yo^han 1:9 **Se gorngv mbuo nyiemc mbuo nyei zuiz**, Tin-Hungh se ziepc zuoqv nyei, baengh fim nyei, ziouc guangc mbuo nyei zuiz caux mbuo zoux nyei yietc zungv waaic sic, fioux mbuo cing-nzengc daaih.

Yaagorpc 5:16 Hnangv naaiv meih mbuo **laanh oix zuqc nyiemc zuiz bun laanh**, laanh oix zuqc tengx laanh dauh gaux. Meih mbuo nyei baengc ziouc longx mi'aqv. Kuv mienh dauh gaux, ninh dauh gaux nyei waac maaih qaqv yaac lingh haic.

Lewi 5:5-6 "Dongh gorngv liuz naaiv deix nyungc-nyungc, haaix dauh zoux dorngc yietc nyungc, wuov dauh oix zuqc nyiemc ninh zoux dorngc nyei zuiz. 6 Laaix ninh zoux dorngc zuqc dingc nyei zuiz, oix zuqc dorh dauh yiem yungh guanh daaih nyei yungh zeic fai ba'gi yungh zeic taux Ziouv nyei nza'hmien zoux ziec fiqv zuiz nyei ga'naaiv. Sai mienh ziouc weic ninh baamh nyei zuiz tengx ninh fiqv sung nzengc.

Se Gorngv Mbuo Za'gengh Goiv Hnyouv Mbuo Oix Jaauv Sung Fai Buih

Lugaa 19:8 Sakc^kietv souv jie z daaih gorngv mbuox Yesu, "Ziouv aah, yie maaih nyei yietc zungv nyei ga'naaiv yie oix zorqv yietc buonc bun mienh jomc mienh. **Se gorngv yie zoux pienx haaix dauh, yietc gouv yie oix buih bieie gouv ninh mbuo.**"

Cuotv I^yipv 22:3b **Janx-zaqc zungv oix zuqc buih ninh nimc nyei ga'naaiv.** Maiv maaih haaix nyungc buih nor, oix zuqc maaic ninh ganh daaih buih.

Saauv Mienh 5:7 "Ninh oix zuqc nyiemc ninh zoux dorngc nyei zuiz, yaac oix zuqc zorqv ninh zoux dorngc nyei yietc zungv tuix nzuonx bun ninh dorngc wuov dauh, aengx buih biao gouv nyei yietc gouv.

Se Gorngv Mbuo Ganh Fai Haaix Dauh Maiv Goiv Hnyouv Nor Oix Zuqc Mietc:

Lugaa 13:1-3 Wuov zanc maaih deix yiem wuov nyei mienh gorngv mbuox Yesu maaih deix Gaa^li^li Mienh daix saeng-kuv ziec Tin-Hungh wuov zanc zuqc Bilaatv daix ninh mbuo, nziaamv cuotv daaih zorpc zuqc wuov deix saeng-kuv nyei nziaamv. 2 Yesu dau ninh mbuo, "Naaiv deix Gaa^li^li Mienh hnangv naaiv nor zuqc daix, meih mbuo laaic ninh mbuo nyei zuiz gauh hlo yietc zuangx Gaa^li^li Mienh nyei zuiz fai? 3 Maiv zeiz lorqc. Yie mbuox meih mbuo, **se gorngv meih mbuo maiv goiv hnyouv quangc zuiz, meih mbuo yaac oix fih hnangv nyei zuqc mietc.**

Lugaa 10:13-15 "Ko^laa^sin Mungv aah, meih oix zuqc kou v aqv. Mbetc^sai^ndaa Mungv aah, meih yaac oix zuqc kou v aqv. Yiem meih mbuo wuov zoux jhex mbuoqc horngh wuov deix sic, se gorngv yiem Tai^laqv caux Sai^ndorn Mungv zoux cuotv daaih nor, wuov deix i norm mungv nyei mienh zungv buix jienv ga'sorpc ndie, zueiz jienv saaiv-ndui, bun cing ninh mbuo goiv hnyouv quangc zuiz mi'aqv. 14 Taux Tin-Hungh siemv zuiz wuov hnoi, Tai^laqv caux Sai^ndorn Mungv zungv zuqc dingc zuiz gauh heng meih mbuo. 15 Kaa^be^naa^um Mungv aah, meih ganh oix taaih meih ganh faaux lung h fai? Meih zungv zuqc zoi njiec deic nyuoqc aqv loh."

1. Yesu Longc Waac-Beiv Njaaux Taux Goiv Hnyouv:

Lugaa 18:13-14 "Mv baac siou nzou-zinh wuov dauh souv jienv wuov maengx go deix nyei. Ninh liemh maiv cau hmien mangc gu'nquaaic lung h. Ninh za'gengh haiz hnyouv nzauh haic ziouc sung buoz nzuei la'kuotv gorngv, 'Tin-Hungh aah, yie baamz zuiz camv haic aqv. Tov korh lienh yie maah.'" 14 Yesu aengx gorngv, "Yie mbuox meih mbuo, siou nzou-zinh nyei mienh nzuonx nyei ziangh hoc ninh duqv caux Tin-Hungh horpc hnyouv. Mv baac wuov dauh Faa^ni^si Mienh maiv duqv caux Tin-Hungh horpc hnyouv. Haaix dauh taaih ganh zoux hlo, Tin-Hungh oix bun wuov dauh zoux faix. Haaix dauh nyiemc ganh zoux faix, Tin-Hungh oix bun wuov dauh zoux hlo."

2. Ndaawitv Hungh Za'gengh Goiv Hnyouv:

Singx Nzung 38:18 "Yie nyiemc yie nyei zuiz, yie weic yie nyei zuiz nzauh kou v."

Singx Nzung 51:1-13 "O Tin-Hungh aac, tov meih korh lienh yie, ziux meih ziepc zuoqv nyei hnamv mienh. **Tov sortv quangc yie zoux dorngc nyei zuiz.** Tov meih nzaaux nzengc yie nyei zuiz-nipc, tov saax nzengc zuiz bun yie cing-

nzengc daaih. Yie zieqv duqv yie zoux dorngc nyei sic, yaac zanc-zanc jangx zuqc yie nyei zuiz. **Yie baamz zuiz dorngc meih, kungx dorngc meih hhangv.** Yaac ziux meih buatc, yie zoux orqv sic. Weic naaiv meih dingc yie nyei zuiz se baengh fim nyei, meih dunx yie nyei sic yaac dunx duqv horpc. Yie cuotv seix daaih benx zuiz-mienh, yiem maa nyei ga'sie wuov zanc zungv maaih jienv zuiz. Meih oix nyei se oix mienh maaih hnyouv zingx, tov meih njaaux yie, bun yie maaih cong-mengh yiem hnyouv gauh ndo jiex nyei dorngx. Tov longc hu^sopc miev saax yie, yie ziouc cing-nzengc daaih. **Tov nzaaux yie, yie ziouc gauh baeqc jiex sorng. Tov bun yie aengx muangx duqv haiz njien-youh a'hneiv nyei qiex.** Maiv gunv meih bun yie zuqc kou vnzengc, tov bun yie aengx maaih orn-lorqc. Buang jienv meih nyei hmien, maiv dungx mangc yie nyei zuiz. Sortv guangc yie zoux nyei yietc zungv waaic sic. O Tin-Hungh aac, tov yiem yie gu'nyuoz zeix cing-nzengc nyei hnyouv, yaac bun yie maaih siang-hnyouv ziepc zuoqv nyei. **Maiv dungx zunc yie biaux nqoi meih nyei nza'hmien, yaac maiv dungx yiem yie dorh meih nyei Singx Lingh mingh.** Tov bun yie duqv meih nyei njoux en nyei njien-youh hhangv loz nor. Baav jienv yie, bun yie maaih hnyouv oix gan longc meih. Yie ziouc zorqv meih nyei jauv njaaux zuiz-mienh, ninh mbuo zungv oix nzuonx daaih lorz meih.

3. Tin-Hungh Nyei En Dorh Mbuo Goiv Hnyouv:

Lomaa 2:4 Tin-Hungh nyei en jaaix haic, ninh yaac hnyouv ndaaav, maaih noic, mv baac meih mangc piex? **Meih maiv hiuv duqv Tin-Hungh nyei en oix dorh meih goiv hnyouv fai?**

Lauc Yaangh 3:19 'Da'faanh yie hnamv nyei mienh yie gorngv-hemx yaac mborqv njaaux. Hhangv naaic, **meih oix zuqc jorm daaih goiv hnyouv guangc meih nyei zuiz.**

Hipv^lu 12:10-11 Mbuo nyei cien die mborqv njaaux mbuo se ziux ninh mbuo buatc horpc zuqc njaaux nyei, yaac weic dangh baav hhangv. Mv baac Tin-Hungh mborqv njaaux mbuo se weic bun mbuo duqv longx yaac weic bun mbuo hhangv ninh nor, cing-nzengc. 11 Zuqc mborqv njaaux wuov zanc maiv maaih haaix dauh njien-youh, zungv haiz nzauh nyei. Mv baac zuqc mborqv njaaux liuz, hogc hiuv nyei mienh nqa'haav ziouc zoux duqv horpc yaac maaih baengh orn.

4. Maaih Dauh Goiv Hnyouv - Tin-Dorngh Wuov Deix Yietc Zungv A'hneiv:

Lugaa 15:7 "Yie mbuox meih mbuo, fih hhangv nyei. **Maaih dauh mienh goiv hnyouv guangc zuiz nor,** yiem tin-dorngh wuov deix a'hneiv haic, zungv gauh a'hneiv maaih juov ziepc juov dauh maiv qiemx zuqc goiv hnyouv guangc zuiz.

E. Mbuo Goiv Hnyouv Tin-Hungh Laengz Sortv Guangc Mbuo Nyei Zuiz:

Gong-Zoh 3:19 "Weic naaiv, meih mbuo oix zuqc goiv hnyouv nzuonx daaih lorz Tin-Hungh, bun ninh sortv guangc meih mbuo nyei zuiz. 20 Ziouv ziouc bun meih mbuo nyei hnyouv maaih ziangh hoc nyiemz, fingv jiez daaih. Yaac oix paaiv Yesu daaih, dongh ninh weic meih mbuo ginv ziangx zoux Giduc, wuov dauh."

I^saa^yaa 1:16-18 "Meih mbuo oix zuqc saax ganh cing-nzengc daaih, zorqv nqoi meih mbuo nyei orqv sic bun yie maiv zuqc mangc. Dingh njiec, maiv dungx zoux waaic sic. Oix zuqc hogc zoux horpc nyei sic, lorz baengh fim nyei jauv, tengx zuqc zeix nyei mienh, beu guh hanh fu'jueiv yaac tengx auv-guaav mbenc sung." 18 Ziouv gorngv, "Ih zanc daaih maah! Mbuo lomh nzoih caangh laangh daav za'eix. Maiv gunv meih mbuo nyei zuiz hongh siqv, zungv oix tiuv hhangv sorng nor mbopv baeqc. Maiv gunv meih mbuo nyei zuiz nzanc siqv, zungv oix baeqc hhangv ba'gi yungh biei."

5. Mbuo Goiv Hnyouv Tin-Hungh Bun Singx Lingh:

Gong-Zoh 2:38 Bide dau, "Meih mbuo dauh dauh oix zuqc goiv hnyouv guangc zuiz, dengv Yesu nyei mbuox jiex wuom nyei leiz weic duqv Tin-Hungh guangc meih mbuo nyei zuiz. Meih mbuo ziouc duqv zipv Tin-Hungh ceix bun nyei Singx Lingh."

B. OIX ZUQC NYIEMC YESU ZOUX ZIOUV

***HAAIX ZANC MBUO ZOUX ZINGH GINX NYIEMC YESU
ZOUX MBUO NYEI ZIOUV MBUO CINGX DAAIH BUN CING
MBUO ZA'GENGH SIENX MBUO ZA'GENGH MAAIH HNYOUV
OIX MUANGX NINH NYEI WAAC MBUO ZA'GENGH GOIV
HNYOUV OIX GAN YESU MINGH.***

Matv^taai 10:32-33 “Haaix dauh dornng zuangx nyiemc yie, yie yiem yie nyei tin-dorngh Diex nyei nza'hmien yaac nyiemc wuov dauh. 33 Mv baac haaix dauh dornng zuangx maiv nyiemc yie, yie yiem yie nyei tin-dorngh Diex nyei nza'hmien yaac maiv nyiemc wuov dauh.

Lomaa 10:9-10 Se gorngv meih nyei nzuih nyiemc, “Yesu zoux Ziouv,” meih yaac longc hnyouv sienx Yesu daic mingh Tin-Hungh bun ninh aengx nangh daaih, meih ziouc duqv njoux aqv. 10 Weic zuqc mbuo longc hnyouv sienx ziouc duqv caux Tin-Hungh horpc. **Mbuo longc nzuih nyiemc Yesu zoux Ziouv, mbuo ziouc duqv njoux aqv.**

1 Yo^han 4:2-3 “Naaiv haih bun meih mbuo zieqv duqv se Tin-Hungh nyei Singx Lingh. Haaix dauh nyiemc Yesu Giduc njiec daaih benx dauh baamh mienh, wuov dauh maaih yiem Tin-Hungh daaih nyei Singx Lingh. 3 Mv baac haaix dauh maiv nyiemc Yesu, wuov dauh maiv maaih yiem Tin-Hungh daaih nyei Singx Lingh. Ninh maaih nyei se dongh yiem Giduc nyei win-wangv daaih nyei mienv. Meih mbuo haiz gorngv wuov dauh win-wangv oix daaih, ninh zungv daaih yiem jienv baamh gen aqv.”

1 Yo^han 4:15 “Haaix dauh nyiemc Yesu zoux Tin-Hungh nyei Dorn, Tin-Hungh ziouc caux wuov dauh juangc maengc ziangh. Wuov dauh yaac caux Tin-Hungh juangc maengc ziangh.”

1. Maaih Deix Maiv Gaamv Gorngv Cingx Daaih Maiv Nyiemc Yesu

Yo^han 12:42-43 Maaih zoux hlo nyei Yiutai Mienh camv nyei sienx Yesu. Mv baac **ninh mbuo maiv dornng zuangx nyiemc weic zuqc ninh mbuo gamh nziex Faa^li^si Mienh oix zunc ninh mbuo cuotv wuic dorngh.** 43 Ninh mbuo a'hneiv mienh ceng ninh mbuo gauh camv duqv Tin-Hungh ceng.

Yo^han 9:22-23 Ninh nyei diex maac hngangv naaiv nor gorngv weic zuqc **ninh mbuo gamh nziex** zoux hlo nyei Yiutai Mienh. Zoux hlo nyei wuov deix zungv gorngv liuz, haaix dauh nyiemc Yesu zoux Giduc, ninh mbuo oix zunc cuotv wuic dorngh. 23 Weic naaiv ninh nyei diex maac cingx daaih gorngv, “Ninh hlo aqv. Meih mbuo naaic gaax ninh ganh maah.” (Naaiv se m'zing maengh nyei mienh nyei diec maac.)

2. Maaih Deix Daamv Hlo Nyei Nyiemc Yesu

Yo^han 9:35-38 Yesu haiz gorngv ninh mbuo zunc naaiv laanh mienh cuotv wuic dorngh. Ninh ziouc mingh lorz buatc yaac naaic ninh, “Meih sienx Baamh Mienh nyei Dorn fai?” 36 Wuov dauh mienh dau, “Domh Gorx aah, ninh dongh haaix dauh? Tov meih mbuox yie oc. Yie ziouc haih sienx ninh.” 37 Yesu gorngv mbuox ninh, “Meih buatc jiex ninh nyei. Dongh ih zanc caux meih gorngv waac wuov dauh.” 38 Wuov dauh mienh gorngv, “Ziouv aah, yie sienx aqv.” Ninh ziouc gueic njiec baaix Yesu.

Yo^han 6:66-69 Yiem naaic daaih Yesu nyei sai-gorx camv nyei tuix bouc, maiv gan Yesu aqv. 67 Yesu ziouc naaic gaax wuov deix ziepc nyeic dauh sai-gorx, “Meih mbuo yaac oix guangc yie fai?” 68 Simon Bide dau, “Ziouv aah, yie mbuo oix zuqc mingh gan haaix dauh? Se dongh meih ganh nyei waac haih bun mienh duqv yietc liuz nyei maengc. 69 **Yie mbuo sienx yaac hiuv duqv meih zoux Tin-Hungh nyei Cing-Nzengc Mienh.**”

Gong-Zoh 8:35-38 Filipv ziouc jiez gorn longc naaiv douc Ging-Sou gorngv Yesu nyei kuv fienv bun domh jien muangx. 36 Ninh mbuo zueiz jienv maaz-cie mingh gau, taux norm dornngx buatc maaih wuom nyei. Wuov dauh jien gorngv, “Mangc gaax, naaiv maaih wuom nyei. Maaih haaix nyungc bun yie maiv gaengh haih jiex duqv wuom nyei leiz fai?” 37 Filipv dau, “Se gorngv meih liepc dingc hnyouv sienx, jiex duqv nyei lorqc. **Wuov** dauh jien gorngv, “Yie sienx aqv. Yie sienx Yesu Giduc se Tin-Hungh nyei Dorn.” 38 Gorngv liuz, ninh mbuox maaz-cie dingh jienv. Ninh mbuo i dauh ziouc bieqc wuom. Filipv yaac tengx domh jien jiex wuom nyei leiz.

1 Ti^mo^tai 6:12-13 Oix zuqc njiec qaqv weic mbuo sienx nyei jauv mborqv longx nyei jaax, caangv duqv yietc liuz nyei maengc, weic zuqc **meih dornng jienv zornng-zengx mienh camv longx-longx nyei nyiemc Ziouv Yesu wuov zanc,** Tin-Hungh heuc meih zipv yietc liuz nyei maengc. 13 Yie dornng jienv Tin-Hungh, dongh bun maanc muotc ziangh jienv

wuov dauh, yaac dornng jienv **Giduc Yesu**, dongh yiem Born^ti^atc Bilaatv nyei nza'hmien longx-longx nyei weic zien leiz **zoux zornng-zengx** wuov dauh, hatc meih.

Haaix Dauh Yiem Baamh Gen Maiv Nyiemc Yesu –Taux Tin-Hungh Dingc Zuiz Nyei Weic Oix Zuqc Nyiemc Yesu Wuov Zanc Yaac Oix Zuqc Ndortv Deic-Nyuoqc:

Fi^lipv^poi 2:9-11 “Weic naaiv Tin-Hungh taaih ninh zoux gauh hlo jiex, yaac bun ninh maaih mbuox gauh hlang jiex maanc mbuox nyei mbuox. 10 Hnangv naaiv, weic taaih Yesu nyei mbuox, **yiem tin-dorngh, yiem yaangh gen, caux yiem yiemh gen nyei yietc zungv oix zuqc gueic njiec baaix.** 11 Dauh dauh oix nyiemc Yesu **Giduc zoux Ziouv, ziouc taaih Zangc Diex Tin-Hungh.**”

C. OIX ZUQC JIEX WUOM NYEI LEIZ

JIEX ZIEMX WUOM NYEI LEIZ MAAIH HAAIX NYUNGX EIX LEIZ?

Lomaa 6:1-12 Wuov nyungc, mbuo oix zuqc hnangv haaix nor gornngv? Mbuo corc oix zuqc baamz jienv zuiz mingh Tin-Hungh cingx daaih haih ceix en camv jienv faaux fai? 2 Zungv maiv zeiz! Ei zoux zuiz nyei jauv mbuo zungv daic mi'aqv. Wuov nyungc mbuo hnangv haaix nor haih zoux jienv zuiz mingh? 3 **Meih mbuo hiuv duqv mbuo jiex wuom nyei leiz, mbuo duqv caux Yesu juangc maengc. Jiex leiz wuov zanc duqv caux ninh juangc daic.** 4 Hnangv naaic, **jiex wuom nyei leiz mbuo caux Giduc daic mingh biopv jienv weic bun mbuo duqv siang-ziangh maengc, hnangv Giduc daic mingh Tin-Hungh yaac longc njang-laangc nyei domh qaqv bun Giduc aengx nangh daaih ziangh jienv wuov nor. 5 Se gornngv mbuo duqv caux Giduc juangc maengc daic, Tin-Hungh bun mbuo nangh daaih hnangv ninh bun Giduc nangh daaih, mbuo yaac duqv caux Giduc juangc maengc ziangh. 6 Mbuo yaac hiuv duqv mbuo nyei loz-hnyouv zuqc caux Giduc ding wuov ziepc nzaangc jaax weic bun baamz zuiz nyei hnyouv zuqc mietc, cingx daaih maiv zuqc aengx zoux zuiz nyei nouh. 7 Weic zuqc haaix dauh daic mingh ziouc leih ndutv zuiz nyei qaqv mi'aqv. 8 Se gornngv mbuo caux Giduc daic mi'aqv, mbuo yaac sienx mbuo oix duqv caux ninh juangc maengc ziangh. 9 Mbuo hiuv duqv Giduc daic mingh Tin-Hungh aengx bun ninh nangh daaih. Nqa'haav ninh yietc liuz maiv daic aqv. Zuqc daic nyei qaqv maiv haih gunv ninh. 10 Giduc daic weic bun zuiz maiv haih gunv ninh. Daic nzunc, dornngv duqv yietc liuz. Ih zanc ninh ziangh jienv se weic Tin-Hungh ziangh. 11 Meih mbuo fih hnangv nyei, oix zuqc funx ganh hnangv daic mi'aqv nor, zuiz gunv maiv jienv. Mv baac meih mbuo caux Giduc Yesu juangc maengc ziangh ziouc weic Tin-Hungh ziangh jienv. 12 Weic naaiv maiv dungx bun zuiz gunv meih mbuo haih daic nyei sin, nduov meih mbuo ei ganh nyei hnyouv hanc oix zoux.**

Gong-Zoh 22:16 Ih zanc meih zoux haaix nyungc ngaih? **Jiez sin daaih dengv Yesu nyei mbuox jiex wuom nyei leiz, nzaaux nzengc meih nyei zuiz.'**

Gaa^laa^tie 3:27 Meih mbuo **jiex wuom nyei leiz duqv caux Giduc juangc maengc ziangh, ziouc goiv yienc duqv Giduc nyei fiem-fingx.**

Ko^lo^si 2:12 Meih mbuo **jiex wuom nyei leiz wuov zanc, meih mbuo se caux Giduc juangc hopv, aengx caux ninh nangh daaih, weic zuqc meih mbuo sienx kaux Tin-Hungh nyei qaqv, dongh Yesu daic mingh mv baac bun ninh nangh daaih maaih wuov dauh nyei qaqv.**

Tidatc 3:4-7 “Mv baac mbuo nyei Njoux Ziouv Tin-Hungh bun cing ninh zoux longx yaac hnamv mienh wuov zanc, ninh njoux mbuo. Se maiv zeiz weic mbuo zoux nyei haaix nyungc kuv sic, se weic Tin-Hungh ganh korh lienh mbuo. Ninh longc Singx Lingh nzaaux mbuo, bun mbuo siang-yungz jiex. Tin-Hungh yaac longc mbuo nyei Njoux Ziouv Yesu Giduc dox Singx Lingh camv-camv nyei bun mbuo, ziouc bun mbuo weic ninh nyei en haih duqv caux Tin-Hungh horpc hnyouv yaac duqv zipv yietc liuz nyei maengc, dongh mbuo maaih lamh hnamv oix duqv nyei maengc.”

1. YO^HAN TENGX MIENH CAMV JIEX LEIZ

Matv^taai 3:5-8 Mienh yiem Ye^lu^saa^lem Zingh caux Yu^ndie Saengv caux Jor^ndaen Ndaaih hlen, horngc zangc nyei dornngx, cuotv mingh Lorz Yo^han. 6 **Ninh mbuo nyiemc ninh mbuo nyei zuiz, Yo^han ziouc yiem wuov Jor^ndaen Ndaaih tengx ninh mbuo jiex wuom nyei leiz.** 7 Yo^han buatc Faa^li^si Mienh caux Saa^ndu^si Mienh camv nyei daaih lorz ninh, oix jiex wuom nyei leiz ziouc gornngv ninh mbuo. Ninh gornngv, “Meih mbuo naaic ndui naang-doqc aah, haaix dauh mbuox meih mbuo haih mbuo haih biaux duqv ndutv, nqa'haav maiv zuqc Tin-Hungh nouz meih mbuo? 8 Meih mbuo oix zuqc zoux sic bun cing meih mbuo goiv hnyouv guangc zuiz. (Mangc Matv^taai 21:25; Maako 1:4-5; Lugaa 3:12; Yo^han 1:25. 28, 31, 33:3:23; Gong-Zoh 19:3-4).

2. YESU JIEX ZIEMX WUOM NYEI LEIZ

Ninh yangh jauv 2-3 hnoi taux Jor^ndaen Ndaaih weic oix jiex leix.

Matv^taai 3:13-17 Wuov zanc Yesu yiem Gaa^li^li mingh Jor^ndaen Ndaaih, oix Yo^han tengx ninh jiex wuom nyei leiz. 14 Mv baac Yo^han oix Yesu goiv za'eix, ninh ziouc gorngv, "Horpc zuqc meih tengx yie jiex leiz, mv baac meih daaih lorz yie?" 15 Yesu dau Yo^han, "Meih gunv tengx yie aqv. Mbuo hngv naaiv nor zoux, mbuo ziouc ei jienv Tin-Hungh oix zoux nyei zoux ziangx." Yo^han ziouc tengx aqv. 16 Yesu jiex leiz yiem wuom cuotv daaih wuov zanc, liemh zeih lungn nqoi. Yesu buac Tin-Hungh nyei Singx Lingh njiec daaih hngv norqc nqo nor, yaac nzopc jienv ninh. 17 Maaih qiex yiem gu'nguaaic lungn gorngv, "Naaiv se yie nyei Dorn-hnamv. Yie za'gengh a'hneiv haic ninh." (**Beiv mangc Maako 1:9-11; Lugaa 3:21-22**).

3. YESU HATC MBUO JIEX ZIEMX WUOM NYEI LEIZ

Matv^taai 28:18-20 Yesu daaih fatv deix mbuox ninh mbuo, "Yiem lungn yiem ndau yietc zungv hatc maaz Tin-Hungh jiu bun yie mi'aqv. 19 Weic naaiv, meih mbuo oix zuqc mingh njaaux maanc fingx mienh zoux yie nyei sai-gorx. **Oix zuqc dengv Die, Dorn caux Singx Lingh nyei mbuox tengx ninh mbuo jiex wuom nyei leiz,** 20 yaac njaaux ninh mbuo ei nzengc yie mbuox meih mbuo zoux nyei nyungc-nyungc. Jangx jienv oc. Yie yietc liuz caux meih mbuo yiem taux baamh gen nyei nyutc zeiv jiex."

Maako 16:15-16 Yesu mbuox ninh mbuo, "Meih mbuo oix zuqc mingh gormx lungn ndiev zunh kuv fieng mbuox maanc mienh. 16 **Haaix dauh sienx yaac jiex wuom nyei leiz, wuov dauh ziouc duqv njoux aqv.** Haaix dauh maiv sienx, wuov dauh zuqc dingc zuiz.

4. GONG-ZOH MBUO YAAC HEUC MBUO JIEX WUOM NYEI LEIZ

Gong-Zoh 2:36-41 "Hngv naaiv, zuangx l^saa^laa^en Mienh oix zuqc hiuv dingc, dongh meih mbuo ding ziepc nzaangc jaax wuov dauh Yesu, Tin-Hungh orn zoux Ziouv yaac zoux Giduc." 37 Zuangx mienh haiz liuz naaiv deix waac, ziouc haiz hnyouv mun haic, hngv ga'naaiv baqv jienv mba'nziu nor. Ninh mbuo naaic gaax Bide caux yietc zungv gong-zoh, "Gorx-youz aah, yie mbuo oix zuqc hngv haaix nor zoux?" 38 **Bide dau, "Meih mbuo dauh dauh oix zuqc goiv hnyouv guangc zuiz, dengv Yesu nyei mbuox jiex wuom nyei leiz weic duqv Tin-Hungh guangc meih mbuo nyei zuiz. Meih mbuo ziouc duqv zipv Tin-Hungh ceix bun nyei Singx Lingh.** 39 Tin-Hungh laengz naaiv deix ngaengc waac se weic meih mbuo caux meih mbuo nyei fun-faqv, yaac weic yietc zungv yiem go nyei mienh, dongh mbuo nyei Ziouv Tin-Hungh heuc daaih benx ninh nyei baeqc fingx wuov deix." 40 Bide aengx gorngv waac camv nyei zoux zorong-zengx kuinx ninh mbuo. Ninh gorngv, "Meih mbuo oix zuqc njoux meih mbuo ganh biaux ndutv naaiv doic hnyouv waaic nyei mienh oix zuqc dingc nyei zuiz." 41 **Mienh camv nyei sienx Bide nyei waac ziouc jiex wuom nyei leiz. Dongh wuov hnoi maaih leih maiv go buo cin dauh mienh tim bieqc gong-zoh mbuo nyei guan.**

Gong-Zoh 8:12-13 Mv baac Filipv zunh kuv fieng gorngv Tin-Hungh daaih zoux Ziouv gunv mienh yaac gorngv Yesu Giduc nyei jauv-louc. **Zuangx mienh sienx ninh nyei waac, liemh m'jangc m'sieqv jiex wuom nyei leiz nzengc.** 13 **Simon ganh yaac sienx. Ninh jiex liuz wuom nyei leiz** ninh zanc-zanc gan jienv Filipv mingh yaac mbuoqc horngh haic Filipv zoux nyei domh jangx-hoc caux mbuoqc horngh nyei sic.

Gong-Zoh 8:36-39 Ninh mbuo zueiz jienv maaz-cie mingh gau, taux norm dorngx buac maaih wuom nyei. Wuov dauh jien gorngv, "Mangc gaax, naaiv maaih wuom nyei. Maaih haaix nyungc bun yie maiv gaengh haih jiex duqv wuom nyei leiz fai?" 37 Filipv dau, "**Se gorngv meih liepc dingc hnyouv sienx, jiex duqv nyei lorqc.** Wuov dauh jien gorngv, "**Yie sienx aqv. Yie sienx Yesu Giduc se Tin-Hungh nyei Dorn.**" 38 Gorngv liuz, ninh mbuox maaz-cie dingh jienv. Ninh mbuo i dauh ziouc bieqc wuom. Filipv yaac tengx domh jien jiex wuom nyei leiz. 39 Ninh mbuo cuotv wuom daaih, ziouv nyei Singx Lingh liemh zeih dorh Filipv mingh mi'aqv. Domh jien ziang naaic aengx maiv duqv buac ninh aqv. Mv baac domh jien njien-youh nyei gan jienv jauv nzuonx.

Gong-Zoh 9:17-18 Aa^naa^nie ziouc mingh aqv. Taux wuov bieqc biau mingh, ziouc maan jienv Saulo gorngv, "Saulo youz aah, dongh yiem ndaamh jauv hinc yaangh bun meih buac wuov dauh Ziouv Yesu, paaiv yie daaih weic bun meih aengx haih mangc duqv buac, yaac duqv Singx Lingh buangv meih nyei hnyouv." 18 Liemh zeih maaih ga'naaiv hngv mbiauz-jiex nor, yiem Saulo nyei m'zing ndortv njiec. Ninh ziouc mangc duqv buac aqv. **Ninh jiez sin daaih jiex wuom nyei leiz.**

Gong-Zoh 10:45-48 Yiem Yapv^faa Mungv gan Bide daaih wuov deix Yiutai Mienh, dongh sienx Yesu wuov deix mienh, za'gengh mbuoqc horngh haic Tin-Hungh bun Singx Lingh Janx. 46 Ninh mbuo haiz Janx gorngv ganh nyungc

waac, yaac ceng Tin-Hungh weih hlo. 47 **Bide gorngv, “Naaiv deix mienh zipv Singx Lingh hhangv yie mbuo nor. Wuov nyungc maaih haaix dauh haih laanh jienv maiv bun ninh mbuo jhex wuom nyei leiz fai?”** 48 Ninh ziouc hatc ninh mbuo oix zuqc dengv Yesu nyei mbuox jhex leiz. Wuov deix mienh aengx tov Bide caux ninh mbuo yiem i ziex hnoi.

Gong-Zoh 16:14-15 Maaih dauh Ti^yaa^ti^laa Zingh nyei m'sieqv dorn, mbuox heuc Li^ndie. Ninh nyei gong se maaic zuqv nyei ndie-luoqc. Li^ndie se zangc Tin-Hungh nyei mienh. Ziouv yaac bun ninh nyei hnyouv nqoi, hnamv duqv tong Baulo gorngv nyei waac. 15 **Ninh caux ninh nyei biau v zong hmuangv doic yietc zungv ziouc jhex wuom nyei leiz.** Nqa'haav ninh heuc yie mbuo mingh hitv ninh nyei biau v. Ninh gorngv, “Se gorngv meih mbuo funx yie za'gengh sienx Yesu nyei mienh nor, tov meih mbuo daaih hitv yie nyei biau v oc.” Ninh qaqv liouh yie mbuo, yie mbuo hnamv maiv jhex eix ziouc mingh hitv ninh nyei biau v.

Gong-Zoh 16:29-34 “Guv loh jien nyei daaih buac loh gaengh nqoi nzengc, laaic duqv zuiz-mienh biaux nzengc aqv mv bei. Ninh ziouc baeng cuotv ninh nyei nzuqc ndaav oix daix ninh ganh. 28 Mv baac Baulo huon norm kaatv, “Hueiv! Maiv dungx hoic meih ganh. Yie mbuo yietc zungv yiem nyei.” 29 Guv loh jien heuc mienh lorz dang daaih ziux jienv tiux bieqc Baulo mbuo wuov, mbaapv njiec Baulo caux Silaa nyei nza'hmien, sin zinx nyanh nyanh nyei. 30 Ninh dorh Baulo mbuo cuotv daaih naaic gaax ninh mbuo, “Domh Gorx aah! Yie oix zuqc hhangv haaix nor zoux cingx haih duqv njoux?” 31 Baulo mbuo dau, “Oix zuqc sienx kaux Ziouv Yesu, meih caux meih nyei yietc biau v mienh ziouc duqv njoux aqv.” 32 Baulo mbuo ziouc gorngv Ziouv nyei doz bun ninh caux ninh nyei yietc biau v mienh muangx. 33 Dongh naaic muonz, wuov norm ziangh hoc, guv loh jien dorh ninh mbuo mingh nzaaux nzengc zuqc mborqv mun nyei dorngx. Nzaaux liuz, guv loh jien caux yietc biau v mienh liemh zeih jhex wuom nyei leiz aqv. 34 Jiex liuz leiz, guv loh jien aengx dorh Baulo caux Silaa bieqc ninh nyei biau v mbenc hnaangx bun ninh mbuo nyanc. Guv loh jien caux ninh nyei hmuangv doic za'gengh njien-youh haic, weic zuqc ninh mbuo ih zanc sienx Tin-Hungh mi'aqv. (beiv mangc Gong-Zoh 18:8; 19:4-5; 22:16).

MAIV ZEIZ WUOM NJOUX MBUO MV BAAC MBUO SIENX LIUZ YAAC MUANGZ WAAC JIEX LEIZ TIN-HUNGH A'HNEIV NJOUX MBUO.

Jiex ziemx wuom nyei leiz maiv horpc zuqc heuc nzaaux sin nyei leiz.

Mbuo longc wuom nzaaux ndopv ga'nyiec maengx duqv mv baac

wuom nzaaux maiv duqv mbuo nyei hnyouv.

Mbuo jhex ziemx wuom nyei leiz bun cing mbuo sienx kaux Yesu

yaac oix gan Ninh bun Ninh zoux Ziouv.

1 Bide 3:20-21 Naaiv deix wuonh se dongh Noyaa gapv nzangv wuov zanc Tin-Hungh zoux hnyouv ndaav zuov jienv mv baac ninh mbuo maiv muangx Tin-Hungh nyei waac wuov deix mienh nyei wuonh. Yiem nzangv gu'nyuoz nyei mienh zoqc, kungx maaih hietc laanh hhangv, duqv wuom njoux ninh mbuo. 21 Naaiv wuom zoux jangx-hoc biux mengh jhex wuom nyei leiz, dongh ih zanc njoux meih mbuo naaiv nyungc leiz. Naaiv maiv zeiz nzaaux sin zangc nyei dienh, se longc ziepc zuoqv nyei hnyouv laengz gan longx Tin-Hungh. Naaiv nyungc leiz njoux meih mbuo weic zuqc Yesu Giduc daic mingh aengx nangh daaih.

MBUO WEIC HAAIX DIUC JIEX ZIEMX WUOM NYEI LEIZ ?

- 1. Weic Yesu ganh hatc mbuo jhex leiz*** (Matv^taai 28:18-20; Maako 16:16)
- 2. Weic Gong-Zoh mbuo hatc mbuo jhex leiz*** (Gong-Zoh 2:38; 22:16; 1 Bide 3:21)
- 3. Weic Yesu ganh jhex leiz zoux nyungc zeiv bun mbuo*** (Matv^taai 3:13-17; Maako 1:9-11; Lugaa 3:21-22).

4. *Weic ziemx wuom nyei leiz beiv taux Yesu daic, biopv, yaac nangh daaih*
(Lomaa 6:3-5; Gaa^laa^tie 3:27).
5. *Weic ziemx wuom nyei leiz beiv taux mbuo ganh nyei loz maengc daic*
mbuo ganh yaac duqv siang-ziangh maengc (Lomaa 6:6-12; Gaa^laa^tie 3:27).
6. *Weic I^saa^laa^en Mienh jiex gaatv nyei leiz mbuo yaac horpc zuqc jiex*
ziemx wuom nyei leiz (Tin Deic Douh 17:10-14; Ko^lo^si 2:11-14; Fi^lipv^poi 3:3; Lomaa 2:28-29).
7. *Weic jiex ziemx wuom nyei leiz bun cing mbuo za'gengh sienx yaac*
za'gengh goiv hnyouv bieqc Yesu (Gong-Zoh 2:38; 19:1-7)
8. *Weic Tin-Hungh laengz jienv waac mbuo goiv hnyouv yaac jiex leiz*
mbuo ziouc zipv duqv Singx-Lingh(Gong-Zoh 2:38; 19:1-7)

B. TIN-HUNGH ZOUX NYEI BUONC GONG:

TIN-HUNGH HNAMV MBUO CAMV HAIC! ZA'GENGH ZOUX LONGX HAIC BUN MBUO ! NINH ZOUX CAMV NYUNGC TENGX MBUO ! NINH ZOUX NYEI BUONC GENGH HLO HAIC ! TIN-HUNGH ZOUX ZIEX NYUNGC WEIC NINH OIX TENGX MBUO DUQV NJOUX.

Mbuo Duqv Njoux Se Maiv Zeiz Weic Mbuo Benx Kuv Mienh Maiv Zeiz Weic Mbuo Fiou Gong-Daqv Maiv Zeiz Weic Mbuo Zoux Kuv Sic. Mbuo Duqv Njoux Se Weic Zuqc Mbuo Zipv Tin-Hungh Zoix Hlo Nyei En Mbuo Sienx Kaux Tin-Hungh Yaac Ei Ninh Njaaux Nyei Waac Goiv Hnyouv, Nyiemc Yesu Zoux Njoux Ziouv Yaac Jiex Ziemx Wuom Nyei Leiz Se Mbuo Zipv Yesu Nyei Buonc. Mv Baac Beiv Tin-Hungh Nyei Buonc Mbuo Nyei Buonc Se Faix Haic.

YIEM NAAIV MINGH MBUO OIX HOQC HIUV TAUX

“TIN-HUNGH NYEI BUONC GONG”

1. TIN-HUNGH NYEI EN

za'gengh hlo haic.

Zinh ndaangc 200 lengh hnyangx maaih dauh Yangh Yinh yiem In Guoqv mbuox heuc Yo^han Niu^tern. Ninh zoux nzangv-jien yaac a'loc maaiz janx jieqv yiem Fei Ziou tor mingh taux Meiv Guoqv maaic benx nouh. Ninh a'loc caux nouh beiz bueix yaac ziqc zuiz Tin-Hungh camv haic. Maaih nzunc ninh yiem domh koiv buangh domh nziaaux jieqv haeqv zuqc ninh caux nzangv-nouh camv haic. Nzangv kaav deix oix zemh njiec wuom. Wuov hnoi ninh jangx zuqc ninh zoux fu'jueiv nyei ziangh hoc ninh nyei maa doqc Ging-Sou bun ninh muangx yaac weic ninh dauh-gaux. Ninh ziouc liemh zeiv gueic jiex dauh-gaux tov Tin-Hungh guangc ninh nyei zuiz yaac njoux ninh caux ninh nyei nzangv-nouh nyei maengc. Tin-Hungh bun nziaaux dingh yaac bun ninh nyei nzangv haih duqv taux mbienz. Naaiv dauh Yo^han Niu^tern cingx daaih goiv hnyouv sienx Tin-Hungh. Ninh nqa'haav hoqc Ging-Sou yaac zoux dauh maaih mengh dauh nyei fin-saeng. Maaih hnoi ninh jangx taux Tin-Hungh korh lienh ninh. Maiv gunv ninh zinh ndaangc zoux waaic sic yaac dorngc Tin-Hungh camv haic Tin-Hungh guangc ninh nyei zuiz yaac zipv ninh benx dauh Ninh nyei dorn. Ninh cingx fieqv naaiv diuh nzung: “Zoi hlo nyei en, za'gengh kuv fieng, Yesu daaih lorz njoux yie. Yie m'zing maengh mienh Ninh tengx buac njang, dorngc jauv Ninh daaih lorz yie. “Tin-Hungh nyei en njaaux yie taaih Ninh, oix bun yie sienx kaux Ninh. Dongh Ninh nyei en zunc cuotv gamh nziex, bun Ninh nyei baengh orn bieqc.” Naaiv diuh nzung zuqc mienh faan benx zix nyungc waac. Mbuo horpc zuqc baax maqc deix yaac horpc zuqc zanc-zanc jangx taux Tin-Hungh nyei zoi hlo nyei en! Aa^le^lu^yaa! Ceng Tin-Hungh! Weic Ninh nyei en yie, naaiv dauh zuiz mienh, cingx duqv njoux!

Yiem E^fe^so 2:4-10 Baulo Fin-saeng njaaux mbuo hiuv duqv mbuo duqv njoux weic Tin-Hungh nyei en hngang -Mv baac Tin-Hungh za'gengh korh lienh mienh haic yaac ndongc naaic hnamv mbuo, 5 maiv gunv mbuo laaix maiv muangx Tin-Hungh nyei waac dorngx daic mi^aqv, ninh bun mbuo caux Giduc nangh daaih ziangh jienv. **Meih mbuo duqv njoux se weic Tin-Hungh nyei en.** 6 Tin-Hungh bun mbuo caux Giduc Yesu juangc maengc nangh daaih yaac caux ninh zueiz jienv wuov tin-dorng. 7 Tin-Hungh hngang naaiv zoux weic nqa'haav gitv-gitv lungndiev **ninh haih biux mengh ninh hlo! haic nyei en,** dongh ninh longc Giduc biux mengh ninh ndongc haaix hnamv mbuo. **8 Se laaix Tin-Hungh nyei en meih mbuo cingx duqv njoux weic zuqc meih mbuo sienx ninh. Se maiv zeiz meih mbuo**

ganh zoux nyei, se Tin-Hungh ceix bun nyei zingh nyeic. 9 Mienh duqv njoux se maiv zeiz kaux ganh zoux nyei sic, weic maiv bun haaix dauh haih bungx waac-maux. 10 Se Tin-Hungh nyei buoz-dauh zeix mbuo daaih, bun mbuo caux Giduc juangc maengc ziangh, weic yiem seix zangc zoux kuv sic, dongh Tin-Hungh jaa-ndaangc liuc leiz ziangx oix mbuo zoux nyei kuv sic. (Mangc E^{fe}so 1:7). Aengx maaih ziex norm dorngx Ging-Sou njaaux taux Tin-Hungh nyei en se hhangv naaiv:

Nzamc Leiz-latc 7:8-9 “Ziouv hnamv meih mbuo, ei jienv ninh caux meih mbuo nyei ong-taaix houv jiex nyei ngaengc waac, cingx longc ninh nyei domh qaqv dorh meih mbuo cuotv yaac zuoqc meih mbuo nzuonx, biaux ndutv zoux nouh nyei dorngx, l^{yipv} Deic-Bung, Faalo Hungh nyei buoz-ndiev. 9 Weic naaiv meih mbuo oix zuqc hiuv duqv Ziouv, meih mbuo nyei Tin-Hungh, kungx ninh ganh benx Tin-Hungh hhangv. Ninh se ziepc zuoqv nyei Tin-Hungh, ei jienv ninh laengz nyei ngaengc waac zoux, ziouc hnamv dongh hnamv ninh, ei jienv ninh nyei leiz-latc zoux wuov deix, taux yietc cin doic.

Lomaa 3:22-24 “Weic zuqc mienh sienx kaux Yesu Giduc, Tin-Hungh cingx bun dauh dauh sienx ninh wuov deix duqv caux ninh horpc hnyouv. Yaac maiv maaih haaix dauh ganh nyungc, 23 weic zuqc mouz dauh mienh zungv baamz zuiz, leih duqv Tin-Hungh nyei njang-laangc go. **24 Mv baac Tin-Hungh baeqc baeqc ceix en, longc Giduc Yesu zuoqc mienh nzuonx ziouc bun mienh caux ninh horpc hnyouv daaih.**”

Lomaa 5:1-2, 6-11, 15-21 “Mbuo sienx kaux Tin-Hungh ziouc duqv caux Tin-Hungh horpc hnyouv. Hhangv naaiv mbuo nyei Ziouv Yesu Giduc bun mbuo duqv caux Tin-Hungh maaih baengh orn. **2 Weic zuqc mbuo sienx kaux Giduc ninh ziouc bun mbuo hiuv Tin-Hungh nyei en, dongh mbuo ih zanc duqv nyei en.** Mbuo a'hneiv haic weic zuqc hiuv dingc mbuo oix duqv buonc Tin-Hungh nyei njang-laangc. 6 Dongh mbuo maiv maaih qaqv tengx duqv mbuo ganh wuov zanc, Giduc ei Tin-Hungh dingc daaih nyei ziangh hoc weic zuiz-mienh daic. 7 Weic gan leiz-latc muonc nyei mienh daic se aqc nyei. Weic kuv mienh daic nziex haih maaih dauh baav gaamv daic mv bei. 8 Mv baac Tin-Hungh bun cing ninh ndongc haaix hnamv mbuo. Dongh mbuo corc zoux zuiz-mienh nyei ziangh hoc Giduc weic mbuo daic. 9 lh zanc mbuo kaux Giduc nyei nziaamv ziouc duqv caux Tin-Hungh horpc hnyouv. Hhangv naaiv, Giduc yietc ze i oix njoux mbuo, maiv bun Tin-Hungh nouz. **10 Mbuo corc zoux Tin-Hungh nyei win-wangv wuov zanc, Tin-Hungh nyei Dorn daic mingh bun mbuo caux Tin-Hungh horpc hnyouv.** lh zanc mbuo caux Tin-Hungh horpc hnyouv, ninh nyei dorn nangh daaih ziangh jienv ziouc yietc ze i oix njoux mbuo. 11 Maiv daan mbuoqc naaiv. Mbuo a'hneiv weic zuqc Tin-Hungh longc mbuo nyei Ziouv Yesu Giduc bun mbuo caux ninh horpc hnyouv. 15 weic zuqc Tin-Hungh baeqc baeqc bun nyei zingh nyeic caux Aa^{ndam} baamz nyei zuiz maiv fih hhangv. Laaix yietc dauh mienh baamz zuiz, mienh camv nyei zuqc daic. **Mv baac Tin-Hungh nyei en caux ninh baeqc baeqc bun nyei zingh nyeic gauh hlo jiex, dongh ninh longc yietc dauh mienh, Yesu Giduc nyei en bun mienh camv duqv nyei zingh nyeic.** 16 Tin-Hungh ceix bun nyei zingh nyeic caux yietc dauh mienh baamz nyei zuiz maiv fih hhangv. Yietc dauh mienh baamz yietc nzunc zuiz ziouc zuqc dingc jienv zuiz aqv. Mienh camv baamz zuiz mv baac weic Tin-Hungh ceix bun nyei zingh nyeic ninh mbuo duqv caux Tin-Hungh horpc hnyouv. 17 Laaix yietc dauh mienh baamz nyei zuiz, zuqc daic nyei qaqv ziouc gunv jienv maanc mienh. Mv baac Yesu Giduc, nduqc dauh mienh, **zoux nyei sic hlo duqv ndongc haaix camv.**

Weic zuqc dauh dauh mienh duqv zipv Tin-Hungh nyei hungh en ziouc duqv caux Tin-Hungh horpc hnyouv. Yesu Giduc zungv bun ninh mbuo ziangh seix maaih qaqv gunv duqv nyungc-nyungc. 18 Hhangv naaiv, laaix nduqc dauh mienh baamz nzunc zuiz, zuangx mienh zuqc dingc zuiz. Fih hhangv nyei, nduqc dauh mienh zoux nzunc kuv sic ziouc bun mienh benx bungx nqoi nyei mienh, duqv ziangh jienv. 19 Nduqc dauh mienh maiv muangx Tin-Hungh nyei waac, zuangx mienh ziouc benx zuiz-mienh nzengc. Fih hhangv nyei, nduqc dauh mienh muangx Tin-Hungh nyei waac, zuangx mienh ziouc duqv caux Tin-Hungh horpc hnyouv. **20 Tin-Hungh bun leiz-latc yiem naaiv lungx ndiev zoux bun zuiz jaa camv jienv faaux. Mv baac zuiz yiem haaix cuotv camv, Tin-Hungh nyei en yietc ze camv jienv faaux. 21 Hhangv naaiv, zuiz gunv jienv bun mienh zuqc daic. Tin-Hungh nyei en yaac fih hhangv nyei gunv jienv bun mienh duqv caux Tin-Hungh horpc hnyouv, yaac bun mbuo kaux mbuo nyei Ziouv Yesu Giduc duqv yietc liuz nyei maengc.**

1 Ko^{lin}to 15:10 Mv baac yie ih zanc hhangv haaix nor **se laaix Tin-Hungh nyei en** cingx daaih hhangv naaiv nor. **Ninh ceix en bun yie**, yaac maiv zeiz maiv lamh longc. Daaux nzuonx yietc zungv gong-zoh, yie zoux gong gauh kouv jiex. Mv baac maiv zeiz yie ganh zoux, se Tin-Hungh nyei en tengx jienv yie zoux.

2 Ti^{mo}tai 1:9 “Tin-Hungh njoux mbuo, yaac heuc mbuo daaih zoux ninh nyei cing-nzengc mienh, **maiv zeiz weic mbuo zoux nyei haaix nyungc kuv sic, se ei ninh ganh nyei za^{ex} caux ninh nyei en hhangv.** Naaiv nyungc en, zinh ndaangc maiv gaengh zeix lungx zeix ndau wuov zanc Tin-Hungh longc Giduc Yesu ceix bun mbuo.”

Ti^{datv} 3:7 “Tin-Hungh yaac longc mbuo nyei Njoux Ziouv Yesu Giduc dox Singx Lingh camv-camv nyei bun mbuo, 7 ziouc bun mbuo weic ninh nyei en haih duqv caux Tin-Hungh horpc hnyouv yaac duqv zipv yietc liuz nyei maengc, dongh mbuo maaih lamh hnamv oix duqv nyei maengc.

2 Bide 3:18 "Oix zuqc yietc zeu hiuv duqv mbuo nyei Njoux Ziouv Yesu Giduc caux ninh nyei en ceix. Mbuo ih zanc oix zuqc ceng ninh yaac yietc liuz ceng taux maanc gouv maanc doic. Aa^men.

1 Te^saa^lo^ni^gaa 1:1 Yie, Baulo, caux Silaa caux Ti^mo^tai fiev fienx bun Te^saa^lo^ni^gaa Zingh nyei jiu-baang, dongh Zangc Diex Tin-Hungh caux Ziouv Yesu Giduc nyei mienh. **Tov Tin-Hungh ceix en ceix baengh orn** bun meih mbuo.

"Tin-Hungh nyei en za'gengh mbuoqc horngh haic, gauh hlo jhex yie mbuo yietc zungv nyei zuiz. Yiem **ziepc nzaangc jaax mbuo buac** Ziouv nyei en, Tin-Hungh nyei Yungh Dorn nyei nziaamv liouc cuotv. Njoux en, Hungh en, Tin-Hungh njoux mbuo yaac guangc mbuo nyei zuiz, **Njoux en, Hungh en, gauh hlo jhex mbuo yietc zungv nyei zuiz.**" Mbuo dauh dauh horpc zuqc laengz zingh haic Tin-Hungh **weic Ninh nyei njoux en.**

2. Tin-Hungh bun mbuo **SIANG-YUNGZ JIEX**

3. Tin-Hungh bun mbuo **CAUX NINH HORPC HNYOUV DAAIH**

4. Tin-Hungh hlorpc mbuo daaih **BENX NINH NYEI NAAMH NYOUZ**

5. Tin-Hungh tengx mbuo **BENX CING-NZENG**

6. Tin-Hungh bun mbuo yietc liuz yiem tin-dorngh **YIEM NINH NYEI NJANG-LAANGC leiz go zuiz.**

C. Mbuo duqv njoux liuz aqc OIX ZUQC HNANGV HAAIX NOR YIEM?

Gong-Zoh 2:41-42 Mienh camv nyei siex Bide nyei waac ziouc jhex wuom nyei leiz. Dongh wuov hnoi maaih leih maiv go buo cin dauh mienh tim bieqc gong-zoh mbuo nyei guan. 42 Ninh mbuo longc hnyouv muangx gong-zoh mbuo njaaux leiz yaac lomh nzoih jiu tong, juangc jienv maeqv njuov yaac daux gaux.

1. Mbuo oix zuqc **BAAIX, CENG, BUOQC ZANGC TIN-HUNGH**

2. Oix zuqc HOQC HIUV GING-SOU

Gong-Zoh 2:42 "Ninh mbuo longc hnyouv muangx gong-zoh mbuo njaaux leiz yaac lomh nzoih jiu tong, juangc jienv maeqv njuov yaac daux gaux."

3. Oix zuqc **CAUX JIU-BAANG DOIC JIU-TONG**

Gong-Zoh 2:42 gorngv lomh nzoih jiu tong E^fe^so 4:12-14; Yo^han 17, lo haaix.

4. Oix zuqc **NYANC SINGX HNAANGX**

5. Oix zuqc **DAUX-GAUX** Gong-Zoh 2:42 yaac gorngv taux naaiv

6. Oix zuqc **ZORQV GANH FUNGX BUN TIN-HUNGH**
hngangv ziec nyei ga'naiv

Lomaa 12:1-2 "Gorx-youz aac, Tin-Hungh ndongc naaic korh lienh mbuo, yie ziouc tov! meih mbuo zorqv ganh fungx bun Tin-Hungh hngangv ziec nyei ga'naaiv nor, mv baac maaih maengc nyei, cing-nzengc nyei, dongh ninh a'hneiv nyei ga'naaiv. Hngangv naaiv nor zoux se horpc, nyei weic zien-zien nyei zangc Tin-Hungh. 2 Baamh mienh zoux sic maiv horpc Tin-Hungh, maiv dungx zuotc ninh mbuo nyei nyungc zoux. Oix zuqc bun Tin-Hungh goiv nzengc meih mbuo nyei hnyouv caux hnamv nyei jauv, duqv siang-nyungc zeiv. Hngangv naaic meih mbuo haih hiuv duqv Tin-Hungh nyei za'eix, haaix nyungc se longx nyei, Tin-Hungh a'hneiv nyei, dunh yunh nyei za'eix.

7. Oix zuqc **BUN TIN-HUNGH GOIV NZENG**

8. Oix zuqc **BUN SINGX LINGH DORH JAUV**

9. Oix zuqc **HLO DAAIH YIEM YESU**

Hipv^lu 10:19-25 Zuangx gorx-youz aac, hngangv naaic mbuo weic Yesu nyei nziaamv haih bungx laangc nyei bieqc Cing-Nzengc Jiex wuov norm Dorngh. 20 Yesu weic mbuo koi siang-jauv, dongh ziangh jienv nyei jauv, weic zuqc ninh koi tong mbaeqc gaengh ndie bun mbuo gan naaic mingh. Naaiv mbaeqc gaengh ndie se ninh ganh nyei sin. 21 Mbuo maaih dauh hlo jhex nyei sai mienh gunv Tin-Hungh nyei biauv zong mienh. 22 Mbuo ziouc **oix zuqc daaih nitv fatv**

Tin-Hungh. Oix zuqc longc ziepc zuoqv nyei hnyouv, sienx wuonv, yaac longc nzaaux liuz cing-nzengc maiv maaih dornx nqemh nyei hnyouv, mbuo nyei sin yaac longc cing-nzengc nyei wuom nzaaux liuz, daaih nitv fatv. 23 Mbuo **oix zuqc sienx wuonv** mbuo nyiemc maaih lamh hnamv oix duqv nyei, weic zuqc laengz waac wuov dauh se kaux duqv wuonv nyei. 24 Mbuo yaac oix zuqc hnamv mangc gaax, hngangv haaix nor haih tengx laanh **yietc zei hnamv laanh, yietc zei zoux kuv sic.** 25 **Maiv dungx guangc maiv gapv zunv zoux leiz-baaix,** hngangv maaih deix mienh guangc guenx nor. Daaux nzuonx laanh oix zuqc yietc zei kuinx laanh weic zuqc meih mbuo hiuv duqv Ziouv siemv zuiz nyei Hnoi taux fatv aqv.

Hipv^lu 12:1-2 Hngangv naaic, mbuo maaih zornz-zengx mienh ndongc naaic camv weih jienv mbuo, mbuo ziouc **oix zuqc guangc yietc zungv torngv jauv nyei ga'naaiv** yaac guangc aah loc nyau jienv mbuo nyei zuiz. Yaac **oix zuqc longc noic diev jienv tiux,** hungx jienv mingh taux dingc daaih nyei dornx. 2 Tiux mingh **oix zuqc mangc dingc Yesu,** weic zuqc Yesu zoux gorn bun mbuo sienx yaac oix bun mbuo sienx duqv dunh yunh. Ninh yiem ziepc nzaangc jaax diev kouv, yaac funx yiem ziepc nzaangc jaax diev nyaiv se maiv longc jienv weic nqa'haav hingv oix duqv nyei orn-lorqc. Ih zanc ninh zungv zueiz jienv Tin-Hungh nyei weic mbiaauc maengx bung. 3 Meih mbuo hnamv mangc gaax, ninh oix zuqc ndongc naaic diev zuiz-mienh caux ninh doix dekc. Hngangv naaic meih mbuo maiv dungx hnyouv namx, maiv dungx suei. 4 Weic zuqc meih mbuo caux zuiz borngz jaax, meih mbuo maiv gaengh ngaengc jienv borngz taux zuqc daix daic.

10. Oix zuqc MAAIH HNYOUV HNAMV MIENH

11. Oix zuqc KORH LIENH YAAC TENGX MIENH

12. Oix zuqc FONGC HORC

Matv^taai 10:8 Oix zuqc zorc baengc, heuc daic mingh nyei mienh nangh daaih, zorc butv gomh huv baengc wuov deix longx, yaac zunc mienv cuotv. **Meih mbuo baegc baegc duqv daaih nyei yaac oix zuqc baegc baegc bun.**

13. Oix zuqc ZOUX ZINGH GINX BUN
maanc mienh

Matv^taai 28:18-20 Yesu daaih fatv deix mbuox ninh mbuo, “Yiem lungh yiem ndau yietc zungv hatc maaz Tin-Hungh jiu bun yie mi'aqv. 19 Weic naaiv, meih mbuo oix zuqc mingh njaaux maanc fingx mienh zoux yie nyei sai-gorx. Oix zuqc dengv Die, Dorn caux Singx Lingh nyei mbuox tengx ninh mbuo jhex wuom nyei leiz, 20 yaac njaaux ninh mbuo ei nzengc yie mbuox meih mbuo zoux nyei nyungc-nyungc. Jangx jienv oc. Yie yietc liuz caux meih mbuo yiem taux baamh gen nyei nyutc zeiv jhex.”

Yaagorpc 1:27 “Ei Zangc Diex Tin-Hungh mangc, mbuo sienx duqv horpc, zoux cing-nzengc se hngangv naaiv. Buatc guh hanh dorn caux auv-guaav ndortv naanc, oix zuqc goux. Yaac oix zuqc goux jienv ganh, maiv bun baamh gen nyei haaix nyungc jauv guoqv mbuo laih hlopv.”